

四庫全書

子部

欽定四庫全書

子部

本草綱目卷四十八

詳校官太醫院醫士臣程泰

編修臣倉聖脈覆勘

總校官庶吉士臣何思鈞

校對官中書臣葉 莢

謄錄監生臣龔 果

欽定四庫全書

本草綱目卷四十七目錄

禽部

李時珍曰嘗攷禽經山禽巖棲原鳥地處林鳥朝嘲水鳥夜咬山禽喙短而尾修水禽喙長而尾促其交也或以尾驛或以睛睨或以聲音或合異類

雉孔與蛇交之類

其生

也或以翼孚卵或以同氣變

鷹化鳩之類

或以異類化

田鼠化鴛

之類或變入無情

雀入水為蛤之類

噫物理萬殊若此學者其可

不致知乎五鳩九鳬少皞取以名官雄雉鷓鴣詩人得之觀感厥旨微矣不妖天不覆巢不殛卵而庖人供六禽翼

音起

氏攻猛鳥若族覆天鳥之巢聖人之於物也用

舍仁殺之意夫豈徒然哉記曰天產作陽羽類則陽中之陽大抵多養陽於是集其可供庖藥及毒惡當知者

為禽部凡七十七種分為四類曰水曰原曰山

舊本

禽部三品共五十六種今併入一種自獸部移入一種蟲部移入一種有名未用移入一種

神農本草經五種

梁陶弘景註

名醫別錄一十一種

梁陶弘景

註唐本草二種

唐蘇恭

本草拾遺二十六種

唐陳藏器

食療

本草二種

唐孟詵張鼎

開寶本草一種

宋馬志

嘉祐本草一

十三種

宋掌禹錫

日華本草一種

宋人大明

圖經本草一種

宋蘇

頌

食物本草十種

明汪頌

本草綱目五種

明李時珍

附註

魏李當之藥錄齊徐之才藥對

吳普本草唐甄權藥性

宋雷斅炮炙蕭炳四聲

唐李珣海藥

孫思邈千金

楊損之刪繁

南唐陳士良食性

蜀韓保昇重註

宋寇宗

奭衍義

唐慎微證類

陳承別說

金張元

素珍珠囊

元李杲法象

王好古湯液

吳

瑞日用

朱震亨補遺

明徐用誠發揮

竄

原食鑑

汪機會編

陳嘉謨蒙筌

禽之一

水禽類二十三種

附三

鶴

嘉祐

鸛

別錄

鷓鴣

食物
鷓鴣附

陽鳥

拾遺

鵝

食物

鵝

綱目

鵝

嘉祐
即洵鵝

鷺 別錄

鴈 本經

鵠 食物
即天鵠

鵠 綱目

鷺 別錄
即鴨

鳬 食療
即野鴨

鷓鴣 拾遺

鴛鴦 嘉祐

鷓鴣

嘉祐

鷓鴣

拾遺
旋
目方目附

鷓鴣

食物

鷓鴣

食物

鷓鴣

拾遺

鷓鴣

別錄

魚狗

拾遺
翡翠附

蚊母鳥

拾遺

右附方舊七新十七

本草綱目卷四十七目錄

欽定四庫全書

本草綱目卷四十七

明 李時珍 撰

禽之一

水禽類二十三
種 附三種

鶴 宋嘉祐

釋名仙禽

綱目

胎禽

時珍曰

鶴字篆文象翹首短尾之

形一云白也 瞻瞻故名八公相鶴

經云鶴乃羽族之宗仙人之號千六百年乃胎

產則胎仙之稱以此世謂鶴不卵生者誤矣

集解

時珍曰鶴有白玄黃蒼六藥用蒼者他色次之

丹頂赤目赤頰青脚修頸凋尾粗膝臧指白羽黑翎
亦有灰色蒼色者嘗以夜半鳴聲喚雲霄雄鳴上風
雌鳴下風聲交而孕亦啖蛇虺聞降真香則降其糞
能化石皆物類相感也按相鶴經云鶴陽鳥也而遊
於陰行必依洲渚止不集林木二年落子毛易黑點
三年產伏又七年羽翮具又七年飛薄雲漢又七年
舞應節又七年鳴中律又七年大毛落翮毛生或白
如雪或黑如漆百六十年雌雄相視而孕千六百年
形始定飲而不食乃胎化也又按俞琰云龜鶴能
運任脈故多壽無死氣於中也鶴骨為笛甚清越

白鶴血氣味鹹平無毒主治益氣力補虛乏去風益

肺

嘉祐

發明

禹錫曰按穆天下傳云天子至巨蒐二
氏獻白鶴之血飲之云益人氣力也

腦主治和天雄慈實服之令人目明夜能書字

抱朴

卵氣味甘鹹平無毒主治預解痘毒多者令少少者

令不出每用一枚煮與小兒食之

時珍出活幼全書

骨主治酥炙入滋補藥

時珍

肫中砂石子主治磨水服解蠱毒邪

嘉祐

鸛

別錄下品

釋名皂君

詩疏

負釜

同

黑尻

時珍曰鸛字篆大象形其背尾色黑故陸璣詩疏有

皂君諸名

集解

弘景曰鵲有兩種似鵲而巢樹者為白鵲黑色

但頭無丹項無烏帶兼不善啖止以喙相擊而鳴多在棲殿吻上作窠嘗日夕觀之並無作池養魚之說時珍曰鵲似鶴而項不丹長頸赤喙色灰白翅尾俱黑多巢于高木其飛也奮於層霄旋遠如陣仰天號鳴必主有雨其抱卵以影或云以聲貼之禽經云鵲生三子一為鵲翼極成霞影變陽也震為鵲翼為鵲也

正誤

藏器曰人探巢取鵲子六十里早能羣飛激散雨也其巢中以泥為池含水滿中養魚蛇以哺

子鵲之伏卵恐冷取礬石圍之以助燥氣時珍曰寥郭之大陰陽升降油然作雲沛然下雨區區微鳥豈能以私忿使天壤赤旱耶況鵲乃水鳥可以候雨乎作池取石之說俱出自陸璣詩疏張華博物志可謂

惡夫

骨氣味甘大寒無毒

藏器有小毒入沐湯浴頭令髮盡脫更不生也又殺樹木主

治鬼蠱諸毒五尸心腹痛

別錄甄權曰亦可單灸黃研空心暖酒服方寸

匕時珍曰千金治

尸症有鵝骨丸

脚骨及嘴主治喉痺飛尸蛇虺咬及小兒閃癖大腹

痞滿並煮汁服之亦燒灰飲服

藏器

卵主治預解痘毒水煮一枚與小兒啖之令不出痘

或出亦稀

時珍出活幼全書

屎主治小兒天釣驚風發歇不定炒研半錢入牛黃

麝香各半錢炒蠅五枚為末每服半錢新汲水服

時珍

鷓鴣

食物

釋名鷓鴣

爾雅

麋鴣

爾雅

鴣鹿

爾雅

麥鷄

時珍

曰按羅願

云鷓鴣其色蒼

如麋也鴣鹿其聲也關西呼曰鴣鹿山東呼曰鷓鴣訛為錯落南人呼為鷓鴣江人呼為麥鷄

集解

穎曰鷓鴣狀如鷓大而頂無丹兩頰紅時珍曰鷓鴣水鳥也食于田澤洲渚之間大如鷓青蒼色

亦有灰色者長頸高脚羣飛可以候霜或以為即古之鷓鴣其皮可為裘與鳳同名者也

附錄鷓鴣

時珍曰按羅願爾雅翼云鷓鴣水鳥雁屬也似雁而長頸綠色皮可為裘霜時乃來

就暖故禽經云鸛飛則霜鵠飛則雨
鵠即尚羊也入西方之鳳亦名鵠鸛

肉氣味甘溫無毒主治殺蟲解蠱毒

汪頴

發明

時珍曰鸛古人多食之故宋玉小招云鵠酸臍
鳧煎鴻鵠景差大招云炙鵠烝鳧鮓鵠鵠只今惟

俚人捕食不
復充饌品矣

陽鳥

拾遺

釋名陽鵠

拾遺

集解

藏器曰陽鳥出建州似鵠
而殊小身黑頸長而白

嘯主治燒灰酒服治惡蟲咬成瘡

藏器

鵯鵯

食物

釋名扶老

古今注

鵯鵯

俗作鵯鵯時珍曰凡鳥至秋毛脫禿此鳥頭禿如秋鵯又如老

人頭童及扶杖之狀故得諸名說文作禿鵯

集解

時珍曰禿鵯水鳥之大者也出南方有大湖泊處其狀如鵯而大青蒼色張翼廣五六尺舉頭

高六七尺長頸赤日頭項皆無毛其項皮方二寸許紅色如鵯頂其喙深黃色而扁直長尺餘其喙下亦

有胡袋如鵯鵯狀其足爪如雞黑色性極貪惡能與人鬪好啖魚蛇及鳥雞詩云有鵯在梁即此自元入

我朝常賦猶有鵯鵯之供獻案飲膳正要云鵯鵯有三種有白者黑者花者名為胡鵯鵯其肉色亦不同

也又案景煥問談云海鳥鵯鵯即今之禿鵯其說與環氏吳紀所謂鳥之大者禿鵯小者鵯鵯相合今潦

年驚或飛來近市人或怪駭此又同
魯人怪鵲鵲之意皆由不常見耳

肉氣味鹹微寒無毒

正要曰
甘溫

主治中蟲魚毒

汪頴

補中

益氣甚益人炙食尤美作脯鎡食強氣力令人走及

奔馬

時珍出飲膳正
要及古今注禽經

髓氣味甘溫無毒主治補精髓

正
要

喙主治魚骨哽

汪頴

毛主治解水蟲毒

時珍
出埤雅

鰕鱧

音蒙童
綱目

釋名越王鳥

綱目

鶴頂

同

鷄鵬

同

集解

時珍曰案劉欣期交州志云鰥鯪即越王鳥水鳥也出九真交趾大如孔雀喙長尺餘黃白黑

色光瑩如漆南人以為飲器羅山疏云越王鳥狀如鳥鵞而足長口勾末如冠可受二升許以為酒器極堅緻不踐地不飲江湖不啜百草不食魚惟啖木葉糞似薰陸香山人得之以為香可入藥用楊慎丹鉛錄云鰥鯪即今鵞頂也

糞主治水和塗雜瘡

竺真羅山疏

鵞鵝

宋嘉祐

釋名犁鵞

鵞鵝

音戶澤

迤河

一作淘

淘鵞

高錫曰昔有人竊肉入河

化為此鳥今猶有肉因名迺河時珍曰此俚言也案
山海經云沙水多鰕鵒其名自呼後入轉為鵕鵒耳
又吳諺云夏至前來謂之鰕鵒言主水也夏至後來
謂之鰕塗言主旱也陸機云遇水澤即以胡蘆水戽
涸取魚食故曰鰕鵒曰鰕鵒俗
名鰕鵒因形也又訛而為鰕鵒

集解

禹錫曰鰕鵒大如蒼鵒鰕鵒下有皮袋容二升物
展縮由之袋中盛水以養魚云身是水沫惟胸

前有兩塊肉列如拳詩云惟鵒在梁不濡其味喙
也言愛其喙也時珍曰鰕鵒處處有之水鳥也似鵒
而甚大灰色如蒼鵒喙長尺餘直而且廣口中正赤
頷下胡大如數升囊好羣飛沈水食魚亦能竭小水
取魚俚人食其肉取其脂入藥用翅骨髀骨作筒吹
喉鼻藥甚妙其盛水養魚身是水沫之說蓋妄談也
又案晁以道云鰕鵒之屬有曰漫畫者以嘴畫水求
魚無一息之停有曰信天緣者終日凝立不易其處

俟魚過乃取之所謂信天緣者即俗名青翰者也又名青莊此可喻人之貪廉脂油時珍曰脂熱化掠取就以其味鹹之則不滲漏他物即透走也氣味鹹溫滑無毒主治

塗癰腫治風痺透經絡通耳聾時珍

發明時珍曰淘礬油性走能引諸藥透入病所拔毒故能治聾痺腫毒諸病

附方一新耳聾用淘礬油半匙磁石一小豆麝香少許和勻以綿裹成挺子塞耳中口含生鐵

少許用三五次即有效 青囊

嘴氣味鹹平無毒主赤白久痢成瘡燒存性研末水

服一方寸匕嘉祐

舌主治疔瘡

時珍

毛皮主治反胃吐食燒存性每酒服二錢

時珍出普濟

鵞

別錄上品

釋名家雁

綱目舒雁

時珍曰鵞鳴自呼江東謂之舒雁似雁而舒遲也

集解

時珍曰江淮以南多畜之有蒼白二色及大而垂胡者並綠眼黃喙紅掌善關共夜鳴應火師

曠禽經云脚近腓者能步鵞鵞是也又云鵞伏卵則逆月謂伺月取氣助卵也性能啖蛇及蚓制射工故養之能辟蟲虺或言鵞性不食生蟲者不然

白鵞膏

臘月鍊收

氣味甘微寒無毒主治灌耳治卒聾

別錄

潤皮膚可合面脂

日華

塗面急令人悅白唇濡手足皴

裂消癰腫解磬石毒

時珍

肉氣味甘平無毒

日華

曰白鶩辛涼無毒蒼鶩冷有毒發瘡腫 說曰鶩肉性冷多食令

人霍亂發痢疾李廷
飛曰嫩鶩毒老鶩良

主治利五臟

別錄

解五臟熱服丹

石人宜之

孟詵

煮汁止消渴

藏器

發明

藏器曰蒼鶩食蟲主射工毒為良白鶩不食蟲止渴為勝時珍曰鶩氣味俱厚發風發瘡莫此

為甚火薰者尤毒曾目擊其害而本草謂其性涼利五臟韓志醫通謂其疎風宜其然哉又葛洪肘後方云人家養白鶩白鴨可辟食射工則謂白鶩不食不發病之說亦非矣但比蒼鶩薄乎云耳若夫止渴

凡發胃氣者皆能生津豈獨止渴者便曰性涼乎參苓白朮散乃治渴要藥何嘗寒涼耶

驛

一名尾鰓尾肉也時珍曰內則舒鴈驛不可食為氣臊可厭耳而俗夫嗜之

主治塗手

足皴裂納耳中治聾及聒耳

日華

血氣味鹹平微毒主治中射工毒者飲之并塗其身

陶弘景

解藥毒

時珍曰祈禱家多用之

膽氣味苦寒無毒主治解熱毒及痔瘡初起頻塗抹

之自消

時珍

附方

新

痔瘡有核

白鷺膽二三枚取汁入熊膽二分片腦半分研勻莧器密封勿令泄

氣用則手指塗之立
效 劉氏保壽堂方

卯氣味甘溫無毒主治補中益氣多食發痼疾 孟詵

涎主治咽喉穀賊 時珍

發明

時珍曰按洪邁夷堅志云小兒誤吞稻芒着咽喉中不能出者名曰穀賊惟以鷺涎灌之即愈

蓋鷺涎化
穀相制耳

毛主治射工水毒 別錄 小兒驚癇又燒灰酒服治噎疾

菴 菴

發明

弘景曰東川多溪毒養鷺以辟之毛羽亦佳并飲其血鷺未必食射工蓋以威相制耳時珍曰

禽經云鷺飛則賊沉賊即射工也又嶺南異物志云邕州蠻人選鷺腹毛為衣被絮柔暖而性冷嬰兒尤宜之能辟驚癇柳子厚詩云鷺毛禦脫縫山罽即此蓋毛與肉性不同也

附方

新

通氣散

治誤吞銅錢及鈎繩鷺毛一錢燒灰
滋石皂子大煨象牙一錢燒存性為

末每服半錢新汲水下
醫方妙選

噎食病

白鷺尾毛燒灰
米湯每服一錢

掌上黃皮主治燒研搽腳趾縫濕爛焙研油調塗凍

瘡良

時珍出譚
並翁諸方

屎主治絞汁服治小兒鷺口瘡

時珍
出秘錄

蒼鷺屎傳蟲

蛇咬毒

華日

附方 一 鵝口瘡

自內生出可治自外生入不可治用食草白鵝下清糞濾汁入沙糖少許

搽之或用雄鵝糞眠倒者燒灰入麝香少許搽之並效 永類鈴方

鴈

本經上品

釋名 鴻

時珍曰按禽經云鵠以水言自南而北鵠以山言自北而南張華注云鵠鵠並音鴈冬則

適南集于水干故字從干春則嚮北集于山鵠故字從岸小者曰鴈大者曰鴻鴻大也多集江渚故從江

枕書謂之僧婆

集解

別錄曰鴈生江南池澤取無時弘景曰詩疏云大曰鴻小曰鴈今鴈類亦有大小皆同一形又

有野鵞大于鴈似人家蒼鵞謂之駕鵞鴈在江湖夏當產伏故皆往北恐鴈門北人不食之也雖采無時

以冬月為好恭曰鴈為陽鳥與燕往來相反冬南翔夏北徂孽育于北也豈因北人不食之乎宗輿曰鴈熱則即北寒則即南以就和氣所以為禮幣者一取其信二取其和也時珍曰鴈狀似鵞亦有蒼白二色今人以白而小者為鴈大者為鴻蒼者為野鵞亦曰鵞鵞爾雅謂之鵞鵞也鴈有四德寒則自北而南止于衡陽熱則自南而北歸于鴈門其信也飛則有序而前鳴後和其禮也失偶不再配其節也夜則羣宿而一奴巡警晝則啣蘆以避繒繳其智也而捕者恭之為媒以誘其類是則一愚矣南來時瘠瘦不可食北嚮時乃肥故宜取之又

漢唐書並載有五色鴈云

鴈肪正誤一名鵞肪

弘景曰鵞是野鴨本經鴈肪亦名鵞是鴈鵞相類而誤耳

氣味甘平無毒主治風癰拘急偏枯血氣不通利久

服益氣不饑輕身耐老

本經心鏡云上證用肪四兩鍊淨每日空心暖酒服一

匙長毛髮鬚眉

別錄說曰合生髮膏用之

殺諸石藥毒

吳普治耳聾

和豆黃作丸補勞瘦肥白人

日華塗癰腫耳疳又治結

熱胸痞嘔吐

時珍曰外臺治此證有鴈肪湯

附方一 生髮

鴈肪日日塗之千金方

肉氣味甘平無毒

思邈曰七月勿食雁傷人神禮云食鴈去腎不利人也

主治

風麻痺久食動氣壯筋骨

日華利臟腑解丹石毒

時珍

發明

弘景曰鴈肪人不多食亦應好宗輿曰人不食鴈謂其知陰陽之升降少長之行序也道家謂

之天厭亦一說耳
食之則治諸風

骨主治燒灰和米泔沐頭長髮

孟詵

毛主治喉下白毛療小兒癩有効

蘇恭

自落翎毛小兒

佩之辟驚癇

日華

發明

時珍曰案酉陽雜俎云臨邑人春夏羅取鴻鴈毛以禦暑又淮南萬畢術云鴻毛作囊可以渡

江此亦中流一壺之意水行者不可不知

屎白主治灸瘡腫痛和人精塗之

梅師

鵲

食物

釋名天鵞

時珍曰案師曠禽經云鵞鳴咭咭故謂之鵞吳僧贊寧云凡物大者皆以天名天者

大也則天鵞名義蓋亦同此羅氏謂鵞即鴈亦不然

集解

時珍曰鵞大于鴈羽毛白澤其翔極高而善步所謂鵞不浴而白一舉千里是也亦有黃鵞丹

鵞湖海江漢之間皆有之出遼東者尤甚而畏海青鵞其皮毛可為服飾謂之天鵞絨案飲膳正要云天鵞有四等大金頭鵞似鴈而長項入食為上美于鴈小金頭鵞形差小花鵞色花一種不能鳴鵞飛則翔響其肉微腥並不及大金頭鵞各有所產之地

肉氣味甘平無毒

顏曰冷忽氏曰熱

主治醃炙食之益人氣

力利臟腑

時珍

油

冬月取
助錄收

氣味

缺

主治塗癰腫治小兒疳耳

時珍

附方

一新

疳耳出膿

用天鵝油調草烏末入龍腦少許
和傳立效無則以鴈油代之通

論

絨毛主治刀杖金瘡貼之立愈

江顧

鵠

音保
綱目

釋名獨豹

時珍曰案羅願云鵠有豹文故名獨豹而
訛為鵠也陸佃云鵠性羣居如鴈有行列

故字從羊羊音保相
次也詩云鵠行是矣

集解

時珍曰鵠水鳥也似雁而斑文無后趾性不木
止其飛也肅肅其食也齕肥腴多脂肉粗味美

閩語曰鵠無舌兔無脾或云純雌無雄與他鳥合或云鵠見鵠鳥激糞射之其毛自脫也

肉氣味甘平無毒

時珍曰禮記不食鵠與者脆胫也深奧之處也

主治補

益虛人去風痺氣

正
要

肪主治長毛髮澤肌膚塗癰腫

時珍

鵠

音木
錄上品
別

釋名鴨

說文舒鳬

爾雅家鳬

綱目鵠鵠

音木鵠性實木而無

他心故庶人以為贄曲禮云庶人執匹匹雙鵠也匹夫卑末故廣雅謂鴨為鵠鵠禽經云鴨鳴呶呶其名自呼鳬能高飛而鴨舒緩不能飛故曰舒鳬

正誤

弘景曰鷺即鴨有家鴨野鴨藏器曰尸子云野鴨為鳧家鴨為鷺不能飛翔如庶人守耕稼而

已保昇曰爾雅云野鳧鷺而本草鷺肪乃家鴨也宗與曰據數說則鳧鷺皆鴨也王勃滕王閣序云落霞與孤鷺齊飛則鷺為野鴨明矣勃乃名儒必有所據時珍曰四家惟藏器為是陶以鳧鷺混稱冠以鷺為野鴨韓引爾雅錯舒鳧為野鳧並誤矣今正之蓋鷺有舒鳧之名而鳧有野鷺之稱故王勃可以通用而其義自明案周禮庶人執鷺宜野鴨乎國風弋鳧與鴈宜家鴨乎屈原離騷云寧與騏驎抗軓乎將與鷄鷩爭食乎寧昂昂若千里駒乎將汎汎若水中之鳧乎此以鳧鷺對言則家也野也蓋自明矣

集解

時珍曰案格物論云鴨雄者綠頸父翅雌者黃斑色但有純黑純白者又有白而烏骨者藥食

更佳鴨皆雄瘡雌鳴重陽后乃肥腩味美清明后生卵則內陷不滿伏卵聞磬磨之聲則輟而不成無雌

抱伏則以牛屎壅而出之
此皆物理之不可曉者也

驚肪

白鴨者良
鍊過用

氣味甘大寒無毒

思邈曰
甘平

主治風虛

寒熱水腫

別錄

附方

新

一療癰汁出

不止用鴨脂調半夏
未傳之未類方

肉氣味甘冷微毒

弘景曰黃雌鴨為補最勝
說曰白鴨肉最良黑鴨肉有毒滑中發冷

利脚氣不可食目白者殺人
瑞曰腸風下血人不可食
時珍曰嫩者毒老者良
尾脾不可食見禮記昔有

人食鴨肉成癰用秫米
治之而愈見秫米下

主治補虛除客熱和臟腑及

水道療小兒驚癇

別錄

解丹毒止熱痢

日華

頭生瘡腫和

慈敗煮汁飲之去卒然煩熱

孟詵用白鴨並

發明

劉完素曰鷺之利水因其氣相感而為使也時珍曰鴨水禽也治水利小便宜用青頭雄鴨取

水木生發之象治虛勞熱毒宜用烏骨白鴨取金水寒肅之象也

附方

舊三新一

白鳳膏

葛可久云治久虛發熱咳嗽吐痰咳血火乘金位者用黑嘴白鴨一

隻取血入溫酒量飲使直入肺經以酒補之將鴨乾搗去毛脇下開竅去腸拭淨入大棗肉二升參苓平胃散末一升縛定用沙甕一箇置鴨在內以炭火慢煨將陳酒一瓶作三次入之酒乾為度取起食鴨及

棗頻作取愈

大腹水病

小便短少百一方用青頭雄鴨煮汁飲厚蓋取汗心鏡

十藥神書

治十種水病垂死用青頭鴨一隻如常治切和米并五味煮作粥食又方用白鴨一隻治淨以豉半升

同薑椒入鴨腹中
縫定蒸熟食之

頭雄鴨
者良

主治煮服治水腫通利小便

恭曰古方
有鴨頭丸

附方

一新

鴨頭丸

治陽水暴腫面赤煩燥喘急小便澀
其效如神此裴河東方也用甜葶藶

炒二兩熬膏漢防己末二兩以綠頭鴨血同頭全搗
三千杵丸梧子大每木通湯下七十九日三服一加

豬苓一兩
外臺祕要

腦主治凍瘡取塗之良

時珍

血

白鴨
者良

氣味鹹冷無毒主治解諸毒

別錄

熱飲解野葛

毒已死者入咽即活

孟詵

熱血解中生金生銀丹石砒

霜諸毒射工毒又治中惡及溺水死者灌之即活

蚘咬瘡塗之即愈

時珍

附方

新

卒中惡死

或先病痛或卧而忽絕並取雄鴨向死人口斷其頭漚血入口外以

竹筒吹其下部極則易
人氣通即活也

肘后

解百蟲毒

白鴨血熱飲之

小兒

白痢

似魚凍者白鴨殺取血滾酒泡服即止也

摘玄方

舌主治痔瘡殺蟲取相制也

時珍

涎主治小兒瘰癧風頭及四肢皆往後以鴨涎滴之又

治蚘蚘吹小兒陰腫取雄鴨抹之即消

時珍
出海上

膽氣味苦辛寒無毒主治塗痔核良又點赤目初起

亦效

時珍

朮衣

即脆脂內皮也

主治諸骨硬炙研水服一錢即愈取其

消導也

時珍

卵氣味甘鹹微寒無毒

說曰多食發冷氣令人氣短青潤小兒多食腳軟鹽藏食

之即宜人士良曰生瘡毒者食之令惡肉突出吐景曰不可合鰲肉李子食害人合棗食令人生子不順

主治心腹胸膈熱

日華

發明

時珍曰今人鹽藏鴨子其法多端俗傳小兒泄痢炎鹹卵食之亦間有愈者蓋鴨肉能治痢而

炒鹽亦治
血痢故耳

白鴨通

即鴨屎也與
馬通同義

氣味冷無毒主治殺石藥毒解

結縛散畜熱

別錄

主熱毒毒痢入和雞子白塗熱瘡腫

毒即消塗蚯蚓咬亦效

孟詵

絞汁服解金銀銅鐵毒

時珍

附方

舊一
新二

石藥過劑

白鴨屎為末水服
二錢效 百一方

乳石發動

煩熱

用白鴨通一合湯一盞漬
之澄清冷飲 聖惠方

熱瘡腫痛

不可忍用家鴨
糞同雞子清調

傳即消
聖惠

鳧

食療

釋名野鴨

詩

野鴛

同鴛

沉鳬

時珍曰鳬從几音殊短羽高飛貌危義取

此爾雅云鵞沉鳬也鳬性好沒故也俗作晨鳬云鳬常以晨飛亦通

集解

時珍曰鳬東南江海湖泊中皆有之數百為羣晨夜蔽天而飛聲如風雨所至稻粱一空陸歲

詩疏云狀似鴨而小雜青白色背上有大短喙長尾卑脚紅掌水鳥之謹愿者肥而耐寒或云食用綠頭者為上尾尖者次之海中一種冠鳬頭上有冠乃石首魚所化也並宜冬月取之

肉氣味甘涼無毒

說曰九月以後立春以前即中食大益病人全勝家者雖寒不動氣

日華曰不可合胡桃木耳豆豉同食

主治補中益氣平胃消食除十二

種蟲身上有諸小熱瘡年久不愈者但多食之即瘥

說五
治熱毒風及惡瘡癰殺腹臟一切蟲治水腫

日華

血主治解挑生蠱毒熱飲探吐

時珍
出摘玄

鵬
音覽梯
拾遺

釋名須羸

爾雅

水鷺

音札
正要

鷺鷥

日用

刁鴨

食療油鴨

俗時珍
曰鵝鷓

須羸並未詳鷺刁零丁皆
狀其小也油言其肥也

集解

藏器曰鵝鷓水鳥也大如鳩鴨脚連尾不能陸
行常在水中人至即沉或擊之便起其膏塗刀

劍不繡續英華詩云馬啣首藉葉劍瑩鵝鷓膏是也
韓保昇曰野鴨有與家鴨相似者有全別者其甚小
者名刁鴨味最佳時珍曰鵝鷓南方湖溪多有之似
野鴨而小蒼白文多脂味美冬月取之其類甚多楊

雄方言所謂野鳬甚小而好沒水中者南楚之外謂之鵲鵲大者謂之鵲鵲是也

肉氣味甘平無毒主治補中益氣五味炙食甚美

時珍

正要 出

膏主治滴耳治聾

藏器

鴛鴦

宋嘉祐

釋名黃鴨

綱目

匹鳥

時珍曰鴛鴦終日並游有宛在水中央之意也或曰雄鳴曰鴛雌鳴

曰鴛鴦古今注云鴛鴦雄雌不相離人獲其一則一相思而死故謂之匹鳥

集解

時珍曰鴛鴦鴈類也南方湖溪中有之棲于土穴中大如小鴨其質杏黃色有文采紅頭翠鬣

黑翅黑尾紅掌頭有白長毛垂
之至尾交頸而卧其交不再

肉氣味鹹平有小毒

孫曰若微溫無毒瑞曰酸無毒說曰多食令人患大風

主

治諸瘰癧以酒浸炙令熱傅貼瘡上冷即易

嘉祐

酒炙食治瘰癧作羹臠食之令人肥麗夫婦不和者

私與食之即相愛憐

孟詵

炙食治夢寐思慕者

孫思邈

附方

舊一新

五瘰漏瘡

鴛鴦一隻治如常法炙熟細切以五味醋食之作羹亦妙

鏡

醫心

血痔不止

鴛鴦一隻治淨切片以五味椒鹽醃炙空心食之奉親養老方

鸛鷺

音溪敕宋嘉祐

釋名溪鴨

吳物志

紫鴛鴦

時珍曰

按杜臺卿賦云鴛鴦尋邪而逐害此鳥專食短狐

乃溪中勅逐害物者其游于溪也左雄右雌羣伍不亂似有式度者故說文人作鴛鴦其形大于鴛鴦而色多紫亦好並遊故謂之紫鴛鴦也

集解

藏器曰鴛鴦南方有短狐處多有之性食短狐也所居處無復毒氣人家宜畜之形小如鴨毛

有五采首有纓尾有毛如船舵形

肉氣味甘平無毒

冬月用之

主治食之去驚邪及短狐毒

嘉祐

鵲

音交暗拾遺

釋名交臚

說

交雞

俗

鴝

音堅出爾雅時珍曰按禽經云白鷄相配而孕鷄鵲睛交

而孕又曰旋目其名鷄方目其名鵲交目其名鷄鵲觀其眸子而命名之義備矣說文謂之交臚臚亦目瞳子也俗呼交雞云多居茭菰中而脚高似雞其說亦通

集解

藏器曰鷄鵲水鳥也出南方池澤似鴨綠衣人家養之馴擾不去可厭火災博物志云鷄鵲巢

于高樹生子穴中啣其母翼飛下飲食時珍曰鷄鵲大如鳬鶩而高脚似雞長喙好啄其項有紅毛如冠翠鬣碧斑丹嘴青脰養之可玩

附方旋目

水鳥也生荊郢間大如鷄而短尾紅白色深目目旁毛皆長而旋上林賦云交晴旋

方目

一名鷄音紡一名澤虞俗名護田鳥西人謂之蝦蟇護水鳥也常在田澤中形似鷄

鷺蒼黑色頭有白肉冠赤足見人輒鳴
喚不去漁人呼為烏鷺閩人訛為姑鷺

肉氣味甘鹹平無毒主治炙食解諸魚蝦毒時珍

鷺食

釋名鷺鷥

禽絲禽

陸龜蒙

雪客

李昉

春鋤

爾雅白鳥

時珍

經云鷺飛則霜鷺飛則露步於淺水好自低昂如春
如鋤之狀故青齊間謂之春鋤遼東吳揚皆云白鷺

集解

時珍曰鷺水鳥也林棲水食羣飛成序潔白如
雪頭細而長脚青善翹高尺餘解指短尾喙長

三寸頂有長毛十數莖毳然如絲欲取魚則弭之
郭景純云其毛可為毼羅變化論云鷺以目盼而受

胎顏曰似鷺而頭無絲脚黃色者俗名白鷺
子又有紅鷺相類色紅禽經所謂朱鷺是也

肉氣味鹹平無毒主治虛瘦益脾補氣炙熟食之

頴注

頭主治破傷風肢強口緊連尾燒研以臘猪脂調傳

瘡口

救急方

鷗

食物

釋名鷺

音鷺

水鷺

時珍曰鷺者浮水上輕漾如漚也鷺者鳴聲也鷺者形似也在海者名海鷺

鷺在江者名江鷺江夏人訛為江鷺也海中一種隨潮往來謂之信鳧

集解

時珍曰鷺生南方江湖溪間形色如白鷺及小白鷺長喙長脚羣飛耀日三月生卵羅氏謂

青黑色

誤矣

肉氣味 缺

鸛

音燭玉
拾遺

釋名鸛鸛

時珍曰鸛鸛名義未詳案許慎說文云鸛鸛屬也入江中有鸛鸛似鳬而大赤目

據此則鸛鸛乃鸛鸛聲轉蓋此鳥有文彩如鳳毛故得同名耳

集解

藏器曰鸛鸛山溪有水毒處即有之因為食毒出所致也其狀如鴨而大長項赤目斑嘴毛紫

紺色如鸛鵒色也時珍曰案三輔黃圖及事類合璧並以今人所呼白鶴子者為鸛鸛謂其鳥潔白如玉也與陳氏似鸛紫紺之說不同白鶴子狀白如鸛長喙高脚但頭無絲耳姿標如鶴故得鸛名林栖水食近水處極多人捕食之味不甚佳

毛及屎主治燒灰水服治溪鳥毒砂蝨水弩射工蟻
短狐蝦鬚等病亦可將鳥近病人即能啞人身訖以
物承之當有沙出其沙即含沙射人之箭也又可籠

鳥近人令鳥氣相吸

藏器

發明

藏器曰已上數病大畧相似俱是山水間蟲含沙射影所致亦有無水處患者或如瘡或如天

行寒熱或有瘡無瘡但夜卧時以手摩身體有辣痛處熱視當有赤點如針頭急捻之以茅葉入內刮出細沙以蒜封之則愈否則寒熱漸深也惟蝦鬚瘡最毒十活一二桂嶺獨多但早覺時以茅及甘蔗葉屈角入肉勾出其根如蝦鬚狀則愈遲則根入至骨有如丁腫最惡好著人隱處時珍曰水弩短狐射工蟻

一物也陳氏分為四非矣溪毒
有氣無形砂蠱沙中細蟲也

鸕鷀

別錄
下品

釋名鸕鷀

音意
爾雅

水老鴉

行義時珍曰案韻書盧與茲並
黑也此鳥色深黑故名鸕鷀者共

聲自
呼也

集解

時珍曰鸕鷀處處水鄉有之似鴉而小色黑亦
如鴉而長喙微曲善沒水取魚日集洲渚夜巢

林木久則糞毒多令木枯也南方漁舟往往縻畜數
十令其捕魚杜甫詩家家養鳥兔傾傾食黃魚或謂
即此又一種似鸕鷀而蛇頭長項冬月羽毛落盡栖
息溪岸見人不能行即沒入水者此即爾雅所謂鰓
頭魚鰓者不入藥用鰓音拘藏器曰一
種頭細身長項上白者名魚鰓不入用

正誤

弘景曰此鳥不卵生口吐其雛亦一異也藏器曰此鳥胎生從口出如兔吐兒故產婦執之易

生宗輿曰人言孕婦忌食鸕鷀為其口吐雛常官于澧州公廨后有一大木上有三四十巢日夕視之既能交合又有碧色卵殼布地則陶陳之說誤聽人言也時珍曰一種鸕鷀或作鸕似鸕鷀而色白人誤以為白鸕鷀是也雌雄相似雄鳴上風雌鳴下風而孕口吐其子莊周所謂白鸕相視眸子不運而風化者也昔人誤以吐雛為鸕鷀蓋鸕鷀音相近耳鸕鷀善高飛能風能水故舟首畫之入有似鸕鷀而短項背上綠色腹背紫白色者名青鸕一名烏鸕陶氏謂烏賊魚乃此鳥所化或云即鴨非也

肉氣味酸鹹冷微毒主治大腹鼓脹利水道

時珍

發明

時珍曰鸕鷀別錄不見功用惟雷氏炮炙論序云體寒腹大全賴鸕鷀註云治腹大如鼓體寒

者以鷓鴣燒存性為末米飲服之立愈切謂諸腹鼓大皆屬於熱衛氣並循于血脈則體寒此乃水鳥其氣寒冷而利水寒能勝熱利水能去濕故也又外臺云凡魚骨哽者但密念鷓鴣不已即下此乃厥伏之

意

頭氣味微寒主治哽及噎燒研酒服

別錄

骨主治燒灰水服下魚骨哽

景壯

附方

一新

雀卵面斑

鷓鴣骨燒研入白芷末猪脂和夜塗旦洗摘玄方

喙主治噎病發噉之便安

汪范

素主治魚哽吞之最效

時珍

翅羽主治燒灰水服半錢治魚哽噎即愈

時珍出太平御覽

蜀水花

別錄曰鸛鵒尿也弘景曰溪谷間甚多當自取之擇用白處市賣者不可信頌曰尿多在

山石上色紫如花就石刮取別錄謂尿即蜀水花而唐面膏方中二物並用未知其的時珍曰當以別錄

為正唐方蓋傳寫之訛誤也

氣味冷微毒主治去面上黑點顰誌別錄療面癰疵及

湯火瘡痕和脂油傳疔瘡大明南人治小兒疳蛇乾研

為末炙猪肉蘸食云有奇效頌殺蟲時珍

附方

舊二新

鼻面酒皸

鸛鵒尿一合研末以臘月猪魚脂和之每夜塗旦洗千金

骨哽咽

鵲鵲屎

以水和塗喉外

研水服方寸匕并范汪方

斷酒

鵲鵲屎

燒研水服方寸匕

日一服

外臺

魚狗

拾遺

釋名竭

爾雅

天狗

同

水狗

同

魚虎

禽經

魚師

同

翠碧鳥

時珍

曰狗虎師皆獸之噬物者此鳥害魚故得此類命名

集解

藏器曰

此即翠鳥也穴土為窠大者名翠鳥小者名魚狗青色似翠其尾可為飾亦有斑白者

俱能水上取魚時珍曰魚狗處處水涯有之大如燕喙尖而長足紅而短背毛翠色帶碧翅毛黑色揚青

可飾女人首飾亦翡翠之類

肉氣味鹹平無毒主治魚哽及魚骨入肉不出痛甚

者燒研飲服或煮汁飲亦佳

藏器

發明

時珍曰今人治魚骨哽取得去腸用陰陽瓦泥固煨存性入藥用蓋亦取其相制之意

附錄翡翠

時珍曰爾雅謂之鷖出交廣南越諸地飲啄水側穴居生子亦巢于木似魚狗稍大

或云前身翡翠後身翠如鷖翠雁翠之義或云雄為翡其色多赤雌為翠其色多青彼人亦以肉作腊食之方書不見用功應與魚狗相同

蚊母鳥

拾遺

釋名吐蚊鳥

鷓鴣

爾雅音田

集解

藏器曰此鳥大如鷄黑色生南方池澤茹蘆中江東亦多其聲如人嘔吐每吐出蚊一二升夫

蚊乃惡水中虫羽化所生而江東有蚊母鳥塞北有蚊母樹嶺南有窠母草此三物異類而同功也時珍曰郭璞言蚊母似鳥鷄而大黃白雜文鳴如鵠聲嶺南異物志言吐蚊鳥大如青鷄大嘴食魚豈各地之

產差

異耶

翅羽主治作扇辟蚊

藏器

本草綱目卷四十七

欽定四庫全書

本草綱目卷四十八目錄

禽之二

原禽類二十三種

附一

鷄

本經

雉

別錄

鸛

食療
即山雞

鷺

拾遺
即錦雞

鶻

拾遺

鸛圖經

鸛唐本

竹鷄拾遺
杉鷄附

英鷄拾遺

秧鷄食物

鶉嘉祐

鷄拾遺

鷄拾遺

鴿

嘉祐

突厥雀

拾遺

雀

別錄

蒿雀

拾遺

巧婦鳥

拾遺
即鵲鵲

燕

別錄

石燕

日華

伏翼

本經
即蝙蝠

鸞鼠

本經
即飛生

寒號蟲

開寶
即五靈脂

右附方舊八十二新二百三十七

本草綱目卷四十八目錄

欽定四庫全書

本草綱目卷四十八

明 李時珍 撰

禽之二 原禽類二十三種 附一種

雞 本經上品

釋名燭夜

時珍曰徐鉉云雞楷也能楷時也廣志云大曰蜀小曰荆雞曰鶩梵書雞曰鳩七咤

集解

別錄曰鷄生朝鮮平澤弘景曰雞屬甚多朝鮮乃玄菟樂浪不應總是鷄所出也馬志曰入藥

取朝鮮者良爾頌曰今處處人家畜養不聞自朝鮮來時珍曰雞類甚多五方所產大小形色往往亦異

朝鮮一種長尾鷄尾長三四尺遼陽一種食鷄一種
角鷄味俱肥美大勝諸鷄南越一種長鳴鷄晝夜啼
叫南海一種石鷄潮至即鳴蜀中一種鸛鷄楚中一
種倉鷄竝高三四尺江南一種矮鷄腳纔二寸許也
鷄在卦屬巽在星應昂無外腎而虧小腸凡人家無
故羣鷄夜鳴者謂之荒鷄主不祥若黃昏獨啼者主
有火患謂之盜啼老鷄能人言者牝鷄雄鳴者雄鷄
生卵者竝殺之即已但人畜鷄無雄即以鷄卵告竈
而伏出之南人以鷄卵畫墨煮熟驗其黃以卜吉凶
又以鷄骨占年其鳴也知時刻其棲也知陰晴太清
外術言蓄蟲之家鷄輒飛去萬畢術言其羽焚之可
以致風五行志言雄鷄毛燒着酒中飲之所求必得
古人言鷄能辟邪則鷄亦
靈禽也不獨充庖而已

諸鷄肉氣味食忌

詵曰鷄有五色者玄鷄白首者六
指者四距者鷄死足不申者竝不

可食害人時珍曰延壽書云聞鷄能啼者有毒四月
勿食抱鷄肉令人作癰成漏男女虛乏弘景曰小兒
五歲以下食鷄生蛇蟲鷄肉不可合葫蒜芥李食不
可合犬肝犬腎食竝令人洩痢同兔食成痢同魚汁
食成心瘕同鯉魚食成癰瘡同獾肉食成
適口同生蔥食成蟲痔同糯米食生蛇蟲

發明

宗奭曰鷄為風為鷄鷄鳴于五更者日至巽位
感動其氣而然也今有風病人食之無不發作

巽為鷄信可驗夫震亨曰鷄屬土而有金木火又屬
巽能助肝火冠言動風者習俗所移也鷄性補助
濕中之火病邪得之為有助也若魚肉之類皆然且
西北多寒中風者誠有之東南氣溫多濕有風者非
風也皆濕生痰痰生熱熱生風耳時珍曰禮記云天
產作陽地產作陰鷄卵生而地產羽不能飛雖為陽
精實屬風木是陽中之陰也故能生熱動風風火相
扇乃成中風宋欽冠說為非亦非矣頃曰鷄肉雖有

小毒而補虛羸是要
故食治方多用之

丹雄鷄肉氣味甘微溫無毒

偏鵲曰辛

主治女人崩中漏

下赤白沃通神殺惡毒辟不祥

本經

補虛溫中止血能

愈久傷乏瘡不瘥者

別錄

補肺

徐思邈

發明

普曰丹雄鷄一名戴丹宗奭曰即朱鷄也時珍曰鷄雖屬木分而配之則丹雄鷄得離火陽明

之象白雄鷄得庚金太白之象故辟邪惡者宜之烏雄鷄屬木烏雌鷄屬水故胎產宜之黃雌鷄屬土故脾胃宜之而烏骨者又得水木之精氣故虛熱者宜之各從其類也吳球云三年鐵鷄常食治虛損養血

補氣

附方

新

辟穰瘟疫

冬至日取赤雄雞作腊至立春日煮食至盡勿分他人肘后方

百蟲入耳

雞肉炙香塞耳中引出總錄

白雄雞肉氣味酸微溫無毒

藏器曰甘寒

主治下氣療狂

邪安五臟傷中消渴

別錄

調中除邪利小便去丹毒風

日華

發明

藏器曰白雄雞養三年能為鬼神所使時珍曰按陶弘景真誥云學道山中宜養白雞白犬可

以辟邪今術家祈禳皆用白雞其原本此是乃異端一說耳雞亦何神何妖哉

附方

舊三新四

癰邪狂妄

自賢自聖行走不休白雄雞一隻煮以五味和作羹粥食心

鏡驚憤邪僻

治因驚憂怖迫或激憤惆悵致志氣錯越心行違僻者白雄鷄一頭治如食法

真珠四兩薤白四兩水三升煮二升盡食之飲汁令盡

肘后卒然心痛

白鷄一頭治如食法

水三升煮二升去鷄煎取六合入苦酒六合真珠一錢煎取六合納麝香二豆許頓服之

肘后赤

白痢下

白雄鷄一隻如常作膳及餽飽空心食心鏡

卒得欬嗽

白鷄一隻苦酒一斗

煮取三升分三服并淡食鷄

肘后水氣浮腫

小豆一升白雄鷄一隻治如食法以水三斗煮

熟食之飲汁令盡

肘后肉壞怪病

凡口鼻出腥臭水以碗盛之狀如錢色蝦魚走躍捉

之即化為水此肉壞也但多食鷄饌即愈

夏子益奇疾方

烏雄鷄肉氣味甘微溫無毒主治補中止痛

別錄止肚

痛心腹惡氣除風濕麻痺諸虛羸安胎治折傷并癰

疽生搗塗竹木刺入肉

日華

發明

時珍曰按李廷飛云黃鷄宜老人烏鷄宜產婦
暖血馬益卿云妊婦宜食牡鷄肉取陽精之全

于天產者此亦胎教宜見虎豹之意耳又唐崔行功
纂要云婦人產死多是富貴家攫攘致婦驚悸氣亂
故耳惟宜屏除一切人令其獨產更爛煮壯鷄取汁
作粳米粥與食自然無恙乃和氣之效也蓋壯鷄汁
性滑而濡不食其肉恐難消也今俗產家每產後即
食鷄啖即氣壯者幸而無恙氣弱者因而成疾皆由
不解此意也

附方

舊四新六

補益虛弱

說曰虛弱人用烏雄鷄一隻
洗淨五味煮極爛食生即反

損人或五味
淹灸食亦良

反胃吐食

用烏雄雞一隻治如食法入胡荽子半斤在腹內烹食二

愈
老人中風

煩熱語澁每用烏雄雞一隻切蔥白一握煮臚下麻汁五味空心食之 養老

書
脚氣煩懣

用烏雄雞一隻治如食法入米作羹食 養老書

寒疝絞痛

用

雄雞一頭治如食法生地黃七斤同剉著甑中蒸之以器盛取汁清旦溫服至晚令盡當下諸寒癖證以白粥食之久疝不 卒得效嗽 烏雄雞一隻治如食法過三服 肘后 酒漬半日飲之 肘后

腎虛耳聾

烏雄雞一隻治淨以無灰酒三升煮熱乘熱食三五隻效

狐尿刺瘡

棘

腰痛欲死破烏雞 搗之良 肘后方

猫眼睛瘡

身面上瘡似猫兒眼有光采無膿血但痛痒不

常飲食減少名曰寒瘡多喫雞 魚慈韭自愈

夏子益奇疾方

打傷攔撲

及牛馬觸動胸腹破

血四肢摧折以烏鷄一隻連毛并一千二百下苦酒
三升和勻以新布搗病處將膏塗布上覺寒振欲吐
徐徐取下須臾再上一鷄少
項再作以愈為度 肘后方

黑雌雞肉氣味甘酸溫平無毒主治作羹食治風寒

濕痺五緩六急安胎

別錄

安心定志除邪辟惡氣治血

邪破心中宿血治癰疽排膿補新血及產後虛羸益

色助氣

日華

治反胃及腹痛踠折骨痛乳癰又新產婦

以一隻治淨和五味炒香投二升酒中封一宿取飲

令人肥白又和烏油麻二升熬香入酒中極效

孟詵

發明

時珍曰鳥色屬水北象屬陰故鳥
雌所治皆血分之病各從其類也

附方

新中風舌強

不語目睛不轉煩熱鳥雌雞一隻
治淨以酒五升煮取二升去滓分

作三次連服之食蔥薑粥
暖卧取小汗飲膳正要

死胎不下

鳥雞一隻去毛
以水三升煮二

升去雞用帛蘸汁摩臍
下自出婦人良方

虛損積勞

治男女因積虛或
大病後虛損沉困

酸疼盜汗少氣喘悞或小腹拘急心悸胃弱多卧少
起漸至瘦削若年深五臟氣竭則難治也用鳥雌雞
一頭治如食法以生地黃一斤切飴糖一升納腹內
縛定銅器貯于瓶中蒸五升米熟取出食肉飲汁勿
用鹽一月一作神
効姚生坦方

黃雌雞肉氣味甘酸鹹平無毒

日華曰性溫惡
骨熱人勿食

主治

傷中消渴小便數而不禁腸澼洩痢補益五臟絕傷

療五勞益氣力

別錄

治勞劣添髓補精助陽氣暖小腸

止洩精補水氣

日華

補丈夫陽氣治冷氣疾著牀者漸

漸食之良以光粉諸石末和飯飼雞煮食甚補益

孟詵

治產後虛羸煮汁煎藥服佳

時珍

發明

時珍曰黃者土色雌者坤象味甘歸脾氣溫益胃故所治皆脾胃之病也丹溪朱氏謂鷄屬土

者當指此鷄而發他鷄不得倖此

附方

舊三新六

水癖水腫

說曰腹中水癖水腫以黃雌雞一隻如常治淨和赤小豆二升

同煮汁飲

時行黃疾

時行發黃用金色脚黃雌雞治如食法煮熟食之并飲汁令盡

日二夜一

不過再作亦可少

消渴飲水

小便數以黃雌雞煮汁冷飲并作羹食肉

下鹽豉

肘后方

鏡下痢禁口

黃肥雌雞一隻如常為臘作

脾虛滑痢

用黃雌雞一隻灸以鹽

醋塗煮熟食之

心鏡

脾胃弱乏

人痿黃瘦黃雌雞肉五兩白麴七兩

切肉作餽飽下五味煮熟空心食

之日一作益類色補藏府

壽親

產後虛羸

黃雌雞一隻去

毛背上開破入生百合三枚

白粳米半升縫合入五

味汁中煮熟開腹取百合并飯和汁作羹食之并食

肉

聖惠

病後虛汗

傷寒後虛弱日夜汗出不止口乾心躁用黃雌雞一隻去腸胃治淨麻黃

根一兩水七大盞煮汁三大盞去滓及雞入肉蓯蓉

酒浸一宿刮淨一兩牡蠣殼粉二兩煎取一盞半一

日服盡
聖惠

老人噎食

不通黃雌雞肉四兩切茯苓二兩
白麴六兩作餅能入歧汁煮食三

五服效
養老書

烏骨雞氣味甘平無毒主治補虛勞羸弱治消渴中
惡鬼擊心腹痛益產婦治女人崩中帶下一切虛損
諸病大人小兒下痢禁口並煮食飲汁亦可搗和丸

藥

時珍

發明

時珍曰烏骨雞有白毛烏骨者黑毛烏骨者斑
毛烏骨者有骨肉俱烏者肉白骨烏者但觀雞

舌黑者則肉骨俱烏入藥更良雞屬木而骨反烏者
藥變坎也受水木之精氣故肝腎血分之病宜用之

男用雌女用雄婦人方科有烏雞九治婦人百病煮
雞至爛和藥或并骨研用之按太平御覽云夏侯弘
行江陵逢一大鬼引小鬼數百行弘潛捉末後以小
鬼問之曰此廣州大殺也持弓戟往荆揚二州殺人
若中心腹者死餘處猶可殺弘曰治之有方乎曰但
殺白烏骨雞薄心即瘥時荆揚病心腹者甚衆弘用
此治之十愈八九中惡用烏雞自弘始也此說雖涉
迂怪然其方則神妙謂非神傳不可也鬼擊卒死用
其血塗心
下亦效

附方

新

赤白帶下

白果蓮肉江米各五錢胡椒一錢
為末烏骨雞一隻如常治淨裝木

瓜腹煮熟
空心食之

遺精白濁

下元虛憊者用
前方食之良

脾虛滑泄

烏骨

一隻治淨用豆蔻一兩草果二枚燒存
性摻入雞腹內紮定煮熟空心食之

反毛鷄主治反胃以一隻煮爛去骨入人參當歸食

鹽各半兩再同煮爛食之至盡

時珍出乾坤生意

發明

時珍曰反毛鷄即翻翅鷄也毛翮皆反生向前治反胃者速類之義耳

泰和老鷄氣味甘辛熱無毒主治內托小兒痘瘡

時珍

發明

時珍曰江西泰和吉水諸縣俗傳老鷄能發痘瘡家家畜之近則五六年遠則一二十年待痘

瘡發時以五味煮爛與兒食之甚則加胡椒及桂附之屬此亦陳文中治痘用木香異攻散之意取其能助濕熱發膿也風土有宜不宜不可以為法

鷄頭

丹白雄鷄者良

主治殺鬼東門上者良

本經

治蠱穰惡辟

瘟

時珍

發明

時珍曰古者正旦磔雄雞祭門戶以辟邪鬼蓋

之方以純陽勝純陰之義也千金轉女成男方中用

之亦取此義也

按應邵風俗通云俗以雞祭門戶雞

乃東方之牲東方既作萬物觸戶而出也山海經祠

鬼神皆用雄雞而今治賊風有雞頭散治蠱用東門

雞頭治鬼疰用雄雞血皆以禦死辟惡也又崔食月

令云十二月東門磔白雞頭可以合藥周禮雞人凡

祭祀禘饗供其雞牲注云禘郊及驪却災變也作宮

室器物取血塗饗隙淮南子曰雞頭已瘞此類之推

也

附方

一新

卒魔死昏

東門上雞頭為末
酒服之
千金方

鷄冠血

三年雄
鷄者良

氣味鹹平無毒主治烏鷄者主乳難

別錄

治目淚不止日點三次良

孟詵

亦點暴赤目

時珍

丹

鷄者治白癰風

日華

並療經絡間風熱塗頰治口喎不

正塗面治中惡卒飲之治縊死欲絕及小兒卒驚客

忤塗諸瘡癰蜈蚣蜘蛛毒馬噬瘡百蟲入耳

時珍

發明

時珍曰鷄冠血用三年老雄者取其陽氣充溢也風中血脈則口僻喎冠血鹹而走血透肌鷄

之精華所聚本乎天者親上也丹者陽中之陽能僻邪故治中惡驚忤諸病烏者陽形陰色陽中之陰故治產乳目淚諸病其治蜈蚣蜘蛛諸毒者鷄食百蟲制之以所畏也高武痘疹正宗云鷄冠血和酒服發

痘最佳鷄屬巽屬風
頂血至清至高故也

附方

舊八新十一

益助陽氣

誥曰丹雄鷄冠血和天雄太
陽粉各四分桂心二分凡服

之鬼擊卒死

烏鷄冠血瀝口中令嚥仍破此鷄
撮心下冷乃棄之道邊妙

肘后卒死

寢死

治卒死或寢卧奄忽而絕皆是中惡用雄鷄冠
血塗面上乾則再上仍吹入鼻中并以灰營死

人一周

肘后卒然忤死

不能言用鷄冠血和真珠九小豆
大納三四丸入口中效

卒縊垂死

心中猶溫者勿斷繩刺鷄冠血滴口中
以安心神或云男用雌女用雄

兒卒驚

似有痛處不知疾狀用雄鷄冠
血少許滴口中妙

譚氏小兒解顱雄

鷄冠上血滴之以赤芍
藥末粉之甚良

普濟陰毒卒痛

用雄鷄冠血入熱
酒中飲之暖卧取

汗傷
寒蘊要

女人陰血

女人交接遠理血出用
雄雞冠血塗之

爛弦風眼

雞冠血點之日
三五度 聖惠

對口毒瘡

熱雞血頻塗之
取散 皆效方

發背癰疽

用雄雞冠血滴痕上血盡再換不過五
六雞痛止毒散數日自愈 保壽堂方

浸淫瘡毒 不早

治周身殺人以雞冠血
塗之日四五度 肘后

燥癬作痒

雄雞冠血頻塗之 范汪方

馬

咬成瘡

腫痛用雞冠血塗之 馱馬用
雌雞壯馬用雄雞 肘后方

蜈蚣咬瘡

雞冠血塗

之 錢相
公篋中方

蜘蛛咬瘡

同上 蜈蚣毒

舌服出口是也 雄雞冠血浸舌并咽

之 青
囊襍纂

諸蟲入耳

雞冠血滴入
即出 勝金

鷄血

烏雞白
鷄者良

氣味鹹平無毒主治
踠折骨痛及痿痺

中惡腹痛乳難

別錄

治剝驢馬被傷及馬咬人以熱血

浸之白癰風癰瘍風以雄鷄翅下血塗之

藏器

熱血服

之主小兒下血及驚風解丹毒蠱毒鬼排陰毒安神

定志

時珍曰肘后治驚邪恍惚大方中亦用之

附方

舊一新九

陰毒

鷄血銜熱酒飲

鬼排卒死

用烏雄鷄血塗心下即甦

風俗通

解百蠱毒

白鷄血熱飲之

廣記

驚風不醒

白烏骨雄鷄血抹唇上即醒

集成

縊死未絕

鷄血塗喉下

千金

黃疸困篤

用半斤大雄鷄背上破開不去毛帶熱血

合患人胸前冷則換之日換數鷄拔去積毒即愈此鷄有毒人不可食犬亦不食也唐璣經驗方
筋

骨折傷

急取雄雞一隻刺血量患人酒量或一
梳或半梳和飲痛止止神驗青囊

雜物

眯目

不出以鷄肝血滴
少許即出

聖惠 虫蜒入耳

生油調鷄心
血滴耳即出

金瘡

腸出

以乾人屎末抹入桑皮線縫
合熱鷄血塗之生生編

肪

烏雄雞
者良

氣味甘寒無毒主治耳聾

別錄頭禿髮落時
珍

附方

一新 一年久耳聾

用鍊成鷄肪五兩桂心十八銖野
葛六銖同以文火煎三沸去滓每

用棗許以箬筒炙溶傾入耳中如此
十日取聾自出長寸許也千金翼

腦

白雄雞
者良

主治小兒驚癇燒灰酒服治難產

蘇恭

心

烏雄雞
者良

主治五邪

別錄

肝

雄雞者良

氣味甘苦溫無毒

時珍曰微毒內則云食雞去肝為不利人也

主

治起陰

別錄

補腎治心腹痛安漏胎下血以一具切和

酒五合服之

孟詵

療風虛目暗治女人陰蝕瘡切片納

入引蟲出盡良

時珍

附方

新

三陰痿不起

用雄雞肝三具兔絲子一升為末雀卵和丸小豆大每服一百丸酒

下日二

肝虛目暗

老人肝虛目暗烏雄雞肝一具切以豉和米作羹成粥食之養老

書

睡中遺尿

雄雞肝桂心等分搗丸小豆大每服一九米飲下日三服遺精加白龍骨

膽

烏雄雞者良

氣味苦微寒無毒主治目不明肌瘡

別錄

月

蝕瘡遠耳根日三塗之孟詵燈心蘸點胎赤眼甚良水

化搭痔瘡亦效時珍

附方新沙石淋瀝

用雄鷄膽乾者半兩鷄屎白炒一兩研勻溫酒服一錢以利為度

十便良方耳癰眈目

黑雌鷄膽汁塗之三日聖惠眼熱流淚五倍子蔓荊子煎湯

洗後用雄鷄膽點之摘玄方

塵沙眯目鷄膽汁點之醫說

腎雄鷄者良主治鼻鼻作臭用一對與膊前肉等分入豉

七粒新瓦焙研以鷄子清和作餅安鼻前引蟲出忌

陰人鷄犬見十便良方

嘔主治小便不禁及氣噎食不消

時珍

附方

新

氣噎不通

雞嘔兩枚連食以濕紙包黃泥固煨存性為末入木香沉香丁香末

各一錢棗肉和九
子大每汁下三九

小便不禁

雄雞喉嚨及脆脰并
榮白等分為末麥粥

清服之
生易簡方

發背腫毒

雞嘔吸肚內黃皮焙研濕則
乾摻乾則油調搽之
醫林

正

脆脰裏黃皮一名鷄內金

脆脰音脾鷄脰也近人
諱之呼脰內黃皮為鷄內

金男用

女用雄

氣味甘平無毒主治洩痢小便頻遺除熱止煩

別錄

泄精竝尿血崩中帶下腸風瀉血日華治小兒食瘡療

大人淋漓反胃消酒積主喉閉乳蛾一切口瘡牙疳

諸瘡

時珍

附方

舊二新十八

小便遺失

用鷄臍一具并腸燒存性酒服男用雌女用雄集驗

小便淋瀝

痛不可忍鷄臍內黃皮五錢陰乾燒存性作一服白湯下立愈醫林集要

隔

消飲水

鷄內金洗晒乾枯樓根炒五兩為末糊丸梧桐子大每服三十九溫水下日三總錄

反胃吐食

鷄臍一具燒存性酒調服男用雌女用雄千金消導酒積

鷄臍乾

葛為末等分麩糊丸梧子大每服五十九酒下袖珍方

禁口痢疾

鷄內金焙研乳汁服之

小兒瘡疾

用鷄脆脰黃皮燒存性乳
服男用雌女用雄 千金 喉閉乳蛾 鷄脆

勿洗陰乾燒末用竹管
吹之即破愈 青囊方 一切口瘡 鷄內金燒灰傳之
立效 活幼新書

鷺口白瘡

鷄脆黃皮為末乳服
半錢 子母秘錄 走馬牙疳 經驗用鷄
脆黃皮不

落水者五枚枯礬五錢研搽立愈
皮燈上燒存性入枯礬黃柏末等分麝香少許先以

米泔洗漱 陰頭疳蝕 鷄內金不落水拭淨新瓦焙脆
後貼之 出火毒為細末先以米泔水洗

瘡乃搽之亦治 穀道生瘡 久不愈用鷄脆脰燒存性
口瘡 經驗方 為末乾貼之如神 總錄

腳脰生瘡

雄鷄脆內皮洗淨貼之一日
一易十日愈 小山奇方 瘡口不合 鷄脆

脰皮日 發背初起 用鷄脆黃皮不落水者陰乾臨時
貼之 溫水潤開貼之隨乾隨潤不過三

五箇即消

楊氏經驗方

發背已潰

用鷄肫黃皮同綿絮焙末搽之即愈

金顯瘡蝕

初生如米豆久則穿蝕用鷄內金焙藹金等分為末鹽漿漱了貼之忌米食

總錄小兒疣目

鷄肫黃皮擦之自落

集要方 鷄骨哽咽

活鷄一隻打死取出鷄內金洗淨燈草裹于火上燒

存性竹筒吹入咽內即消不可見肉

撕生方

腸

男用雌女用雄

主治遺溺小便數不禁燒存性每服三指

酒下

別錄

止遺精白濁消渴

時珍

附方

舊一

小便頻遺

心鏡

用雄鷄腸一具作腫和酒服普濟用雄鷄腸水煮汁服日三

次

肋骨

鳥骨雞者良

主治小兒羸瘦食不生肌

別錄

附方

新

小兒顛陷

因臟腑壅熱氣血不榮用烏雞骨一兩酥炙黃生地黃焙二兩為末

每服半錢引飲調下

聖惠方

瘡中朽骨

久疽久漏中有朽骨以烏骨雞脰骨實以砒石鹽泥

圓濟殿紅出毒以骨研末飯丸粟米大每以白紙攤送一粒入竅中以拔毒膏藥封之其骨自出

醫學

正傳

距

白雄雞者良

主治產難燒研酒服

蘇恭

下骨哽以雞足一

雙燒灰水服

時珍出外臺

翮

白雄雞者良

主治下血閉左翅毛能起陰

別錄

治婦人

小便不禁消陰癰瘰骨哽蝕癰疽止小兒夜啼安席

下勿令母知

時珍

發明

時珍曰翅翮形銳而飛揚乃其致力之處故能破血消腫潰癰下哽按葛洪云凡古井及五月

井中有毒不可輒入即殺人宜先以鷄毛試之毛直下者無毒回旋者有毒也又感應志云五箇日以白鷄左翅燒灰揚之風立止也翼為風鷄屬巽於此可見

附方

舊二新七

陰腫如斗

取鷄翅毛一孔生兩莖者燒灰飲服左腫取右翅右腫取左翅

雙腫並取

陰卒腫痛

鷄翮六枚燒存性蛇牀子末婦

肘后方

人遺尿

雄雞銅燒灰

酒服方寸七日三

咽喉骨哽

白雄雞左右翮大毛各一

枚燒灰水
服外臺

腸内生癰

雄雞頂上毛并屎燒末空心酒服

千金

決癰代鍼

白鷄翅下兩邊第一毛燒灰水服即破

外臺解蜀椒毒

鷄毛燒烟吸之并水調一錢服之

千金馬汗入瘡

鷄毛燒灰酒服方寸七集驗方

蠅屎瘡

烏鷄翅毛燒灰

油調傳之蟲畏鷄故也
瑣碎錄

尾毛主治刺入肉中以二七枚和男子乳封之當出

孟詵解蜀椒毒燒烟吸之并以水調灰服又治小兒痘

瘡後生癰燒灰和水傳之

時珍

附方新小便不禁

雄雞翎燒研酒服方寸七外臺秘要

屎白

雄鷄屎乃有白臘月收之白鷄鳥骨者更良素問作鷄矢

氣味微寒無毒主

治消渴傷寒寒熱破石淋及轉筋利小便止遺尿滅

癥瘕

別錄

治中風失音痰迷炒服治小兒客忤蠱毒治

白虎風貼風痛

日華

治賊風風痺破血和黑豆炒酒浸

服之亦治蟲咬毒

藏器

下氣通利大小便治心腹鼓脹

消癥瘕療破傷中風小兒驚啼以水淋汁服解金銀

毒以醋和塗蜈蚣蚯蚓咬毒

時珍

發明

頌曰按素問云心腹滿旦食不能暮食名為鼓脹治之以鷄屎醃一劑知二劑已王冰注云本

草鷄屎利小便並不治蟲脹今方法當用湯漬服之
耳時珍曰蟲脹生於濕熱亦有積滯成者鷄屎能下
氣消積通利大小便故治鼓脹有殊功此岐伯神方
也西者一宿初來之酒醕也又按范注方云宋青龍
中司徒吏顏奮女苦風疾一斛偏痛一人令穿地作
坑取鷄屎荊葉然之安脰入坑中熏之有長蟲出遂
愈也

附方

舊十四新
三十一

鷄矢醴

普濟方云治鼓脹旦食不能
暮食由脾虛不能制水水反

勝土水穀不運氣不宣流故令中滿其脈沉實而滑
宜鷄矢醴主之何大英云諸腹脹大皆屬於熱精氣
不得滲入膀胱別走于脘濫于皮裏膜外故成脹滿
小便短澀鷄矢性寒利小便便誠萬金不傳之寶也用
臘月乾鷄矢白半斤袋盛以酒醕一斗漬七日溫服
三盃日三或為末服二錢亦可宣明用鷄矢桃仁

大黃各一錢水煎服 正傳用鷄矢炒研沸湯淋汁
調木香檳榔末二錢服 一方用鷄矢川芎菊等分

為末酒 **牽牛酒** 治一切肚腹四肢腫脹不拘鼓脹氣
糊丸服 服濕脹水脹等有峨嵋一僧用此治

人得效其人牽牛來謝故名用乾鷄矢一升炒黃以
酒醑三椀煮一椀濾汁飲之少頃腹中氣大轉動利

下即自脚下皮皺消也未盡隔日再作仍以田羸
二枚滾酒淪食後用白粥調理 積善堂經驗方 **小**

兜腹脹 黃瘦用乾鷄矢一兩丁香一錢為末蒸餅丸
小豆大每米湯下十九日三服 治幼全書

心腹鼈瘕 及宿癥并卒得瘕以飯飼白雄鷄取糞同
小便于瓦器中熬黃為末每服方寸七溫

酒服之日四五服或雜飯飼 **食米成瘕** 好食生米口
之以消為度亦佳 集驗方 中出清水以

鷄矢同白米各半合炒為末以水一鍾調服良久吐
出如米形即瘕昔慎恭道病此饑瘦如勞蜀僧道廣

處此方而愈
醫說

反胃吐食

以烏骨雞一隻與水飲四五日勿與食將五蒲蛇二條竹刀切

與食待雞下糞取陰乾為末水丸粟米大每服一分桃仁湯下五七服即愈
證治發明

中諸菜

毒

發狂吐下欲死用雞矢燒末水服方寸七

石淋疼痛

雞矢白日中半乾炒香為

末以酸漿飲服方寸七日
二當下石出古今錄驗

小兒血淋

雞矢共白如粉者炒研糊丸菜

豆大每服三五丸
酒下四五服效

產後遺溺

不禁雞矢燒灰酒服方寸七

轉筋

入腹

其人臂脚直其脈上下微弦用雞矢為末水六合和方寸七溫服合

中風

寒痺

口噤不知人以雞矢白一升炒黃入酒三升攪澄清飲

白虎風痛

誅曰鋪飯

於患處以丹雄雞食之良久取熱糞封之取訖使伏于患人牀下

破傷中風

腰脊反張牙緊

口噤四肢強直用鷄矢白一升大豆五升炒黃以酒沃之微烹令豆湔下隨量飲取汁避風 經驗方

產後中風

口噤瘰癧瘰癧角弓反張黑豆二升半同鷄矢白一升炒熟入清酒一升半浸取一升入

竹瀝服取

角弓反張

四肢不隨煩亂欲死鷄矢白一升清酒五升搗篩合搗千遍乃

飲大人服一升少小五合日二服肘后

小兒口噤

面赤者屬心白者屬肺用鷄矢白如棗大

綿裹以水一合煮分二服一方酒研服之千金方

小兒緊唇

鷄矢白研末傅之有涎易去

聖惠小兒驚啼

鷄矢白燒灰米飲服二字千金方

頭風痺木

用臘月烏鷄矢一升

炒黃為末絹袋盛漬三升酒中頻頻溫服令醉千金方

喉痺腫痛

鷄矢白舍之煎汁 聖惠

牙齒疼痛

鷄矢白燒末綿裹咬痛處立瘥 經驗方

鼻血不止

鷄矢取有白色半截

者燒灰吹之

唐氏經驗方

牙齒不生

不拘大人小兒用雄雞矢
雌雞矢十五顆培研入麝

香少許先以針挑破出血傅之年高者不過二十日
年少者十日必生 普濟但用烏雞雌雄糞入舊麻

鞋底燒存性等分入麝香少許三日夜不
住擦令熱為佳 李察院亮卿常用有效 耳聾不聽

雞矢白炒半升烏豆炒一升以無灰酒二升
乘熱投入服取汗耳如鼓聲勿訝 外臺 面目黃

疸

雞矢白小豆秣米各二分為末分作
三服水下當有黃汁出也 肘後方 子死腹中 雞

糞二十一枚水二升五合
煮之下米作粥食 產寶 乳妬乳癰 雞矢白炒研酒
服方寸七三服

愈 產寶 乳頭破裂 上方同 內癰未成 取伏雞屎水和
服即瘥 千金 頭瘡

白禿

雄雞屎末和陳醋
苦酒洗之 千金 消滅癰痕 以猪脂三升飼烏
雞一隻三日後取

矢同白芷當歸各一兩煎十沸去滓入鷹矢白半兩調傅外臺耳中惡瘡雞矢白炒研傅

之聖惠瘰癧瘰瘡雄雞矢燒灰臘猪脂和傅之千金食金中毒已死取雞矢半

升水淋取汁一升飲之日三時後方縊死未絕雞矢白如棗大酒半盞和灌口鼻時后

尸脚折裂無冬夏者雞屎煮湯漬半日收瘡乃止千金射工溪毒白雞矢白者二

救以錫和塗瘡上肘后骨疽不合骨從孔中出掘地作坑口小裏大深三尺以乾雞屎二升

同艾及荊葉搗碎入坑內燒令烟出以疽口就熏用衣攤之勿令洩氣半日當有蟲出甚效千金方

陰毒腹痛雞糞烏豆地膚子各一把亂髮一團同炒烟起傾入好酒一椀浸之去滓熱服即止

生編生小兒心痛白烏骨雞屎五錢晒研松脂五錢為末葱頭汁和丸梧子大黃丹為衣每

醋湯服五丸忌生冷硬物

三四日立效 嬰童百問

雞子即雞卵也

黃雌者為上 烏雌者次之

氣味甘平無毒

思邈曰 微寒畏

醇醋張鼎曰勿多食令人腹中有聲動風氣和蔥蒜食之氣短同韭子食成風痛共鯊肉食損人共獾肉食成過尸同兔肉食成洩痢妊婦以鷄子鯉魚同食令兒生瘡同糯米食令兒生蟲時珍曰小兒患痘疹忌食鷄子及開煎食之氣令生翳膜 主治除熱火灼爛瘡癰瘡可作虎

魄神物

別錄弘景曰用欲假子黃白混雜者煮作之極相似惟不捨芥爾又煮白合銀口含須臾

色如金也 鎮心安五臟止驚安胎治妊娠天行熱疾狂走

男子陰囊濕痒及開喉聲失音醋煮食之治赤白久

痢及產後虛痢光粉同炒乾止疳痢及婦人陰瘡和

豆淋酒服治賊風麻痺醋浸令壞傳疝點作酒止產

後血運暖水臟縮小便止耳鳴和蠟沙治耳鳴聾及

疳痢日華益氣以濁水煮一枚連水服之主產後痢和

蠟煎止小兒痢藏器小兒發熱以白蜜一合和三顆攪

服立瘥孟詵太平御覽云正旦吞烏鷄子一枚可
以練形岫嵯神書云八月晦日夜半面北吞

烏鷄子一枚
有事可隱形

發明時珍曰卵白象天其氣清其性微寒卵黃象地
其氣渾其性溫卵則兼黃白而用之其性平精

不足者補之以氣故卵白能清氣治伏熱目赤咽痛諸疾形不足者補之以味故卵黃能補血治下痢胎產諸疾卵則兼理氣血故治上列諸疾也

附方

舊八新二十三

天行不解

己汗者用新生鷄子五枚頓蓋中入水一鷄子攪渾以水

一升煮沸投入納少醬啖之令汗出愈許仁則方

天行嘔逆

食入即吐鷄子一枚水煮三五

沸冷水浸少頃吞之

傷寒發狂

煩燥熱極吞子一枚效食鑑

三十六

黃

急救方用鷄子一顆連殼燒灰研酢一合和之溫服鼻中蟲出為效身體極黃者不過三枚神效

白虎風病

藏器曰取鷄子揩病處咒願送糞堆頭上不過三次瘡白虎是糞神愛喫

鷄子也

身面腫滿

鷄子黃白相和塗腫處乾再上

年深哮喘

鷄子畧散

損浸尿缸中三四日煮
食能去風痰 集成

心氣作痛

鷄子一枚打破醋
二合調服 肘后

小兒疳痢

肚服用鷄子一箇開孔入巴豆一粒輕粉
一錢用紙五十重裹于飯上蒸三度放冷

去殼研入麝香少許糊和丸米粒大
食後溫湯下二九至三九 經驗方 **預解痘毒** 保和方用

鷄卵一枚活地龍一條入卵內飯上蒸熟去地龍與
兒食每歲立春日食一枚終身不出痘也 李氏用

鷄卵一枚童便浸七日水煮食之永不出痘 李撝
用頭生鷄子三五枚浸廁坑內五七日取出煮熟與

食數日再食一枚永不出
痘徐都司得于浙人之方 **痘瘡出癰** 鷄子一箇酒醋
浸七日白殭蠶

二七枚和勻搗赤
塗之甚效 聖惠 **雀卵面皯** 鷄卵醋浸壞取
出傅之 聖惠 **妊娠時**

疾

冷胎不動以鷄子七枚納井中令
冷取出打破吞之子母祕錄 **病欲去胎** 鷄子一枚

入鹽三指撮服
張大仲方

胎動下血

破以白粉和稀食之

子死

腹中

用三家鷄卵各一枚三家鹽各一撮三家水各一升同煮令婦東向飲之

產後

血多

不止烏鷄子三枚醋半升酒二升和攪煮取一升分四服

產後心痛

煮酒食即安
備急方

產後口乾

舌縮用鷄子一枚打破水一盞攪服

婦人

白帶

用酒及艾葉煮鷄卵日食之

頭風白屑

新下烏鷄子三枚沸湯五升攪

作三度沫之
甚良

腋下胡臭

鷄子兩枚煮熟去殼熱夾待冷葉之三人路上勿回顧如

此三次效
肘后方

乳石發渴

水浸鷄子取清生服甚良

解野葛毒

者扶開口後灌鷄子三枚須臾吐出野葛乃甦

胡蔓野毒

即斷腸草一葉入口百竅

流血惟急取鳳凰胎即雞卵抱未成雛者已成者不用研爛和麻血灌之吐出毒物乃生少遲即死

南衛生方

癰疽發背

初作及經十日以上腫赤焮熱日夜疼痛百藥不效者用鰕子一枚新

狗屎如鷄子大攪勻微火熬令稀稠得所捻作餅子于腫頭上貼之以帛包抹時時看視覺餅熱即易勿令轉動及歇氣經一宿定如日多者三日貼之一日一易至瘻乃止此方穢惡不可施之貴人一切諸方皆不能及但可備擇而已千金方

蛛蠍蛇傷

鷄子一箇輕敲小孔合之立瘥

蠼螋尿瘡

同上法

身體發熱

不拘大人小兒用鷄卵三枚白蜜一合和服立瘥

普濟方

卵白氣味甘微寒無毒主治目熱赤痛除心下伏熱

止煩滿欬逆小兒下泄婦人產難胞衣不出竝生吞

之醋浸一宿療黃疸破大煩熱別錄產後血閉不下取

白一枚入醋一半攪服藏器和赤小豆末塗一切熱毒

丹腫顯痛神效冬月以新生者酒漬之密封七日取

出每夜塗面去黥黥皴皴令人悅色時珍

發明宗輿曰產後血運身痠直口目向上牽急不知人取鷄子一枚去殼分清以荊芥末二錢調服

即安甚敏捷烏鷄子尤善

附方舊四新六時行發黃醋酒浸鷄子一宿吞其白數枚下痢赤白肘后方

生鷄子一箇取白攤連紙上日乾摺作四重包肥烏梅十箇安熨斗中以白炭燒存性取出碗覆冷定研

末入水銀粉少許大人分二服小兒三服空心并華水調下如覺微利不須再服類

心口吐清水以鷄子一枚去黃納好漆入鷄子殼中和合仰頭吞之蟲即出也古今錄驗

遁尸其狀腹脹氣急冲心或礫硯踊起或牽咽塞鼻腰脊以鷄卵白七枚頓吞之良千金

瘡及乾嘔頭痛食不下用鷄子一枚開一竅去黃留白著米酢煑火頓沸取下更頓如此三次乘熱飲

之不過一二度普濟方面生皰瘡鷄子以三歲苦酒浸之三即愈

湯火燒灼鷄子清和酒調洗動洗即易生肌忌頭髮發物或主傳之亦可經驗秘方

垢腫鷄子白塗之少頃洗面黑令白鷄子三枚酒浸去光澤不燥頻湖密封四七日每

夜以白傅面如雪白也

普濟塗面駐顏

鷄子一枚開孔去黃留白入金華胭脂及硃砂少許

紙封與鷄抱之俟別卵抱出以塗面洗之不落半年尚紅也

普濟

卵黃氣味甘溫無毒主治醋煮治產後虛痢小兒發

熱煎食除煩熱鍊過治嘔逆和常山末為丸竹葉湯

服治久瘧

藥性

炒取油和粉傅頭瘡

日華

卒乾嘔者生吞

數枚良小便不通者亦生吞之數次效補陰血解熱

毒治下痢甚驗

時珍

發明

時珍曰鷄子黃氣味俱厚陰中之陰故能補形昔人謂其與阿膠同功正此意也其治嘔逆諸

瘡則取其除熱引蟲而已頌曰鷄子入藥最多而髮
煎方特奇劉禹錫傳信方云亂髮鷄子膏治孩子熱
瘡用鷄子五枚煮熟去白取黃亂髮如鷄子大相和
於鐵銚中炭火熬之初甚乾少頃即髮焦乃有液出
旋取置碗中以液盡為度取塗瘡上即以苦參末粉
之頃在武陵生子蔣內便有熱瘡塗諸藥無益而日
益劇蔓延半身晝夜號啼不乳不睡因問本草髮髮
條云合鷄子黃煎之消為水療小兒驚熱下痢註云
俗中嫗母為小兒作鷄子煎用髮雜熬之良久得汁
與小兒服去痰熱主有病又鷄子條云療火瘡因是
用之果如
神效也

附方

舊三新
十一

赤白下痢

鷄卵一枚取黃去白入胡粉
滿殼燒存性以酒服一錢匕

葛氏方

妊娠下痢

絞痛用烏鷄子一枚開孔去白留黃
入黃丹一錢在內厚紙裹定泥固煨

乾為米每服三錢米飲下一服愈
者是男兩服愈者是女
三因方
子死腹中
一雞子黃一枚

汁一合和
服當下
小腸疝氣
雞子黃攪溫水
服之三服效
小兒癰疾
黃和

乳汁攪服不過三
兩枚自定
普濟
小兒頭瘡
煮熱雞子黃炒令油出
以麻油膩粉搽之
事

林廣
鼠瘻已潰
雞卵一枚米下蒸半日取黃熬令黑
先拭瘡令乾以藥納孔中三度即愈

金方
干
脚上臭瘡
熟雞子黃一箇黃
鰓一錢煎油塗之
湯火傷瘡
熟雞子一個取

黃炒取油入膩粉十文攪勻搽
上三五日永除癰痕
集驗方
杖瘡已破
雞子黃熬
油搽之甚

效
唐璣
天泡水瘡
方同
消滅癰痕
雞子五七枚煮
熟取黃炒黑拭

塗日三久久自
聖惠方
妊娠胎漏
血下不止血盡則子死用
雞子黃十四枚以好酒二

升煮如錫服之末瘡再作以瘡為度普濟方耳瘡出汁鷄子黃炒油塗之甚妙談堃翁方

抱出卵殼

時珍曰俗名混沌池鳳凰蛻用托出者取其蛻脫之義也李石續博物志云踏鷄

子殼令入生白癰風

主治研末磨障翳日華傷寒勞復熬令黃黑

為末熱湯和一合服取汗出即愈

蘇頌出深師方

燒灰油

調塗癰及小兒頭身諸瘡酒服二錢治反胃

時珍

附方

舊二新七

小便不通

鷄子殼海蛤滑石等分為末每服半錢米飲下日三聖惠方

小兒煩滿

欲死鷄子殼燒末酒服方寸七子母秘錄

癰疽入目

鷄子殼燒研入

片腦少許點鵝飛集

頭瘡白禿

鷄子殼七箇炒研油和傅之秘錄

頭上軟癬

用抱出鷄卵殼燒存性研末入耳疳出濃用抱出鷄卵殼炒黃

輕粉少許清油調傳危氏方
為末油調灌之疼即止
杏林摘要玉莖下疳鷄卵殼炒研油外腎癰

瘡末用鍊過香油調塗醫林正宗痘瘡惡證瘡疔

毒氣壅遏於裏則為便血昏睡不醒其證甚惡用抱出鷄子殼去膜新瓦焙研每服半錢熱湯調下嬰兒

以酒調抹唇舌上并塗風池胸背神效

卵殼中白皮主治久欬氣結得麻黃紫苑服立效別錄

發明時珍曰按仙傳外科云有人偶舍乃在口割舌已垂未斷一人用鷄子白皮袋之搽止血藥於

舌根血止以臘化蜜調冲和膏敷鷄子皮上三日接住乃去皮只用蜜蠟勤敷七日全安若無連效以金

鎗藥參治之此用鷄子白皮無他
但取其柔軟而薄護舌而透藥也

附方新效嗽日久

鷄子白皮炒十四枚麻黃三兩焙
為末每服方寸七飲下日二必

方風眼腫痛

鷄子白皮枸杞白皮等分為末
吹鼻中一日三次聖濟總錄

雞白蠹肥脂

本經弘景曰不知是何物恐別一種耳
藏器曰今鷄亦有白臺如卵而硬有白

無黃云是壯鷄所生名父公臺臺字似索字疑傳誤
也機曰此本經火列于黑雌鷄條下似指雌鷄之肥
脂如蠹蟲之肥白因其似而名之也時珍曰蠹音姑
而藏器以為索何耶今壯鷄生子亦時或有之然不
當有肥脂字當以機說為近否則必雌鷄之
生腸也本經有其名不具其功益脫簡之失

竅中草主治頭瘡白禿和白頭翁草燒灰猪脂調傳

日華天絲入眼燒灰淋清汁洗之良

時珍出不自秘方

附方

舊一新

小兒夜啼

雞窠草安席下勿令母知日華本草

產後遺尿

雞窠草燒末酒服

一錢七聖惠方

燂雞湯主治消渴飲水無度用燂雄雞水濾澄服之

不過二雞之水愈神效

楊氏經方

附方

新雞眼作痛剝去皮以燂雞湯洗之簡便方

雉

別錄中品

釋名野雞

宗輿曰雉能若矢一往而墮故字從矢今人取其尾置舟車上欲其快速也漢呂太

后名雉高祖改雉為野鷄其實鷄類也時珍曰黃氏
韻會云雉理也雉有大理也故尚書謂之華蟲山禮
謂之斑趾雉類甚多亦各以形色為辨耳禽經云雉
介鳥也素質五采備曰暈雉青質五采備曰鷄雉朱
黃曰鶩雉白曰鷄雉青質五采備曰海雉爾雅云雞雉青
質五采鶩雉黃色自呼翟雉山雉也長尾鷄雉長尾
走且鳴秩秩海雉也梵
書謂雉曰迦頻闍羅

集解

時珍曰雉南北皆有之形大如鷄而斑色繡翼
雄者大采而尾長雌者文暗而尾短其性好鬪

其名曰鷩鷩音香其交不再其卵褐色將卵時雌避
其雄而潛伏之否則雄食其卵也月令仲冬雉始雊
謂陽動則雉鳴而勾其頸也孟冬雉入大水為蜃蜃
大蜃也陸佃埤雅云蛇交雉則生蜃蜃蛟類也類書
云蛇與雉交而生子曰蛇蟠水蟲也陸種續水經云
蛇雉遺卵於地千年而為蛟龍之屬似蛇四足能害

人魯至剛復靈機要云正月蛇與雉交生卵遇雷入土數丈為蛇形經二三十年成蛟飛騰若卵不入土仍為雉耳又任昉述異記云江淮中有獸名能音耐乃蛇精所化也冬則為雉春復為蛇晉時武庫有雉張華曰必蛇化也視之果得蛇蛻此皆異類同情造化之變易不可臆測者也

肉氣味酸微寒無毒

恭曰溫日華曰平微赤秋冬益春夏毒有痢人不可食頌曰周

禮庖人供六禽雉是其一亦食品之貴然有小毒不可常食損多益少說曰久食令人瘦九月至十一月稍有補他月則發五痔諸瘡疥不與胡桃同食發頭風眩暈及心痛與茵蓴木耳同食發五痔立下血同蕎麥食生肥蟲卵同葱食生寸白蟲自死取甲不申者殺人

正誤

思邈曰黃帝書云丙午日勿食鷄雉肉大夫燒死日盲女人血死妄見野鷄肉同家鷄子食成

遁尸尸鬼經身弘景曰雉非辰屬正是離禽丙午不可食明王於火也時珍曰雉屬離火雞屬巽木故雞煮則冠變雄煮則冠紅明其屬火也春夏不可食者為其食蟲蟻及與蛇交變化有毒也能發痔及瘡疥令人瘦病者為其能生蟲與雞肉同也有鄙人者假黃帝為書謂丙午日不可食及成遁尸之說乃不經謬談而陶氏和之孫氏取之皆誤矣今正其誤

主治補中益氣力止洩痢除蟻瘻

別錄

發明

時珍曰雉肉諸家言其發痔下痢人不可食而別錄用治痢瘻何邪蓋雉在禽上應胃上故能

補中而又食蟲蟻故能治蟻瘻取其制伏耳若久食及食非其時則生蟲有毒故不宜也

附方

舊三新

脾虛下痢

日夜不止野鷄一隻如食法入橘皮蔥椒五味和作餽飽煮空

心食之
食醫心鏡

產後下痢

用野鷄一隻作餛飩食之

同上

消渴飲水

小便

數用野鷄一隻五味煮取三升已
來汁飲之肉亦可食甚效

同上
心腹脹滿

野鷄一隻不拘

雄雌茴香炒馬芹子炒川椒炒陳皮生薑等分用醋
以一夜蒸餅和雜肉作餛飩料外以麴皮包作餛飩煮

熟食仍早服嘉禾散辰服此午
服導氣枳殼丸
朱氏集驗方

腦主治塗凍瘡

時珍

嘴主治蟻癭

孫思邈

尾主治燒灰和麻油傅天火丹毒

時珍

屎主治久瘡

時珍

附方 一新 久瘧不止

雄野鷄 原熊膽 五靈脂 恒山等分
為末 醋糊 九黑豆 大正發時 冷水

下一九

聖惠

鵲雉

音狄 食療

釋名 鵲鷄

經禽

山鷄 上山雉

時珍曰 翟美羽貌 雉居原野 鵲居山林 故得山名大

者為

鵲

集解

頌曰 伊洛江淮間一種雉小 而尾長者為山鷄 人多畜之 樊中即爾雅所謂鵲山鷄也 時珍曰

山鷄有四種 名同物異 似雉而尾長三四尺者 鵲雉也 似鵲而尾長五六尺 能走且鳴者 鵲雉也 俗通呼為鵲 矣 其二則驚雉 錦鷄也 鵲鵲皆勇健 自愛其尾 不入叢林 雨雪則岩伏 木栖不敢下 食往往餓死

而鷺小鷺與鵒同名錦鷺鵒火在綬而鷺火在身以此為異大抵皆雉屬也按禽經云首有采毛曰山鷺腹有采色曰錦鷺項有采裳曰雉株是山鷺錦鷺又稍有分別而俗通呼為一夫蓋是一類不甚相遠也

集解

藏器曰鷺似雉五色山海經云小華之山多赤鷺養之懷火災是也時珍曰山鷺出南越諸山

中湖南湖北亦有之狀如小鷺其冠亦小背有黃赤文綠項紅腹紅嘴利距善闘以家鷺闘之即可獲此乃爾雅所謂鷺山鷺者也逸周書謂之采鷺錦鷺則小於鷺而背文揚赤膺前五色炫耀如孔雀羽此乃爾雅所謂鷺大鷺者也逸周書謂之大鷺音汗二種大祇同類而錦鷺文尤燦爛如錦或云錦鷺乃其雄者亦通劉敬叔異苑云山鷺愛其羽毛照水即舞目眩多死照鏡亦然與鵒鷺愛尾餓死皆以文累其身也

附錄吐綬雞

時珍曰出巴峽及閩廣山中人多畜玩大如家鷄小者如鴿鵒頭頗似雉羽色

多黑雜以黃白圓點如真珠斑項有素囊內藏肉綬常時不見每春夏晴明則向日擺之項上先出兩翠角二寸許乃徐舒其領下之綬長闊近尺紅碧相間采色煥爛踰時悉斂不見或剖而視之一无所覩此鳥生亦反哺行則避草木故禽經謂之避株食物本草謂之吐錦雞古今注謂之錦囊蔡氏詩話謂之真珠雞倦游錄謂之孝鳥詩經謂之鷕音厄邛有旨鷕是矣

肉氣味甘溫微毒主治食之令人聰慧

汪顏

養之襍火

灾

器藏

鵲雞

蜀渴二音拾遺

釋名

時珍曰其羽色黑黃而褐故曰鵠青黑色者名曰鵠音介性耿介也青鳳亦名鵠取象於此也

集解

藏器曰鵠鷄出上黨魏武帝賦云鵠鷄猛氣其鬬期於必死今人以鵠為冠象此也時珍曰鵠

狀類雉而大黃黑色首有毛角如冠性愛其黨有被侵者直往赴鬬雖死猶不置故古者虎賁戴鵠冠禽經云鵠數鳥也穀不知死是夫性復粗暴每有所攬應手摧碎上黨即今潞州

肉氣味甘平無毒主治炙食令人勇健藏器炙食令人

肥潤

汪穎

白鵠

經國

校正

原附雜條今分出

釋名白鵠

音寒

閑客

時珍曰按張華云行止閑暇故曰鵠李昉命為閑客薛氏以為雉類

汪氏以為白雉按爾雅白雉名鷩南人呼鷩字如寒則鷩即鷩音之轉也當作白鷩如錦鷩謂之文鷩也鷩者羽美之貌又西京雜記云南粵王獻白鷩黑鷩各一蓋雉亦有黑色者名鷩雉彼通呼為鷩矣

集解

頌曰白鷩出江南雉類也白色而背有細黑文可畜彼人亦食之頌曰即白雉也時珍曰鷩似

山鷩而色白有黑文如連漪尾長三四尺體備冠距紅頰赤嘴丹爪其性耿介李太白言其卵可以鷩伏亦有黑鷩

肉氣味甘平無毒主治補中解毒

汪頌

鷩

唐本草

釋名越雉

時珍曰按禽經云隨陽越雉也飛必南翥晉安曰懷南江左曰逐影張華注云鷩鷩

其名自呼飛必南向雖東西回翔開翅之始必先南翥其志懷南不徂北也

集解

孔志約曰鸕鵒生江南形似母鸕鳴云鈞輶格磔者是有鳥相似不作此鳴者則非矣頌曰今

江西閩廣蜀夔州郡皆有之形似母鸕頭如鸕鵒前有白圓點如真珠背毛有紫赤浪文時珍曰鸕鵒性畏霜露早晚稀出夜栖以木葉蔽身多對啼今俗謂其鳴曰行不得也哥哥其性好潔獵人因以稿竿粘之或用媒誘取南人專以炙食充庖云肉白而脆味勝鷄雉

肉氣味甘溫無毒

日華曰微毒說曰不可與竹笋同食令人小腹脹自死者不可食或

言此鳥天地之神每月取一隻饗至尊所以自死者不可食

主治嶺南野葛菌子

毒生金毒及溫瘧久病欲死者合毛熬酒漬服之或

生擣汁服最良

唐本

酒服主蠱氣欲死

日華

能利五臟益

心力聰明

孟詵

發明

時珍曰按南唐書云丞相馮延巳苦腦痛不已太醫吳廷詔曰公多食山鷄鷓鴣其毒發也投

以甘草湯而愈此物多食鳥頭半夏苗故以此解其赤爾又類說云楊玄之通判廣州歸楚州因多食鷓鴣遂病咽喉間生瘰癧而腹血不止寢食俱廢醫者束手適楊吉老赴郡邀診之曰但先啖生薑一斤乃可投藥初食覺甘香至半斤覺稍寬盡一斤覺辛辣粥食入口了无滯礙此鳥好啖半夏毒發耳故以薑制之也觀此二說則鷓鴣多食亦有微毒矣而其功用又能解毒解蠱功過不相掩也凡鳥獸自死者皆有毒不可食為其受厲氣也何獨鷓鴣即神取饗帝乎鄙哉其言也

脂膏主治塗手皸瘰令不龜裂

頌 蕪

竹雞

拾遺

釋名山菌子

藏器

雞頭鵲

蕪東坡集

泥滑滑

頌曰山菌子即竹雞也時珍曰

菌子言味美如菌也蜀人呼為雞頭鵲南人呼為泥滑滑因其聲也

集解

藏器曰山菌子生江東山林間狀如小雞無尾時珍曰竹雞生江南川廣處處有之多居竹林

形比鷓鴣差小褐色多斑赤丈其性好啼見其儔必鬬捕者以媒誘其鬬因而網之諺云家有竹雞啼白

蟻化為泥蓋好食蟻也亦辟壁虱

附錄杉雞

時珍曰按臨海異物志云閩越有杉雞常居杉樹下頭上有長黃毛冠頰正青色如

垂縷亦可
食如竹雞

肉氣味甘平無毒

時珍曰按唐小說云崔魏公暴亡太醫梁新診之曰中食毒也僕曰

好食竹雞新曰竹雞多食半夏苗也命搗薑汁挾齒灌之遂甦則吳廷紹楊吉老之治鷓鴣毒蓋祖乎此

主治野雞病殺蟲煮炙食之

藏器

英雞

拾遺

集解

藏器曰英雞出澤州有石英處常食碎石英狀如雞而雉尾體熱無毛腹下毛赤飛翔不遠腸

中常有石英人食之取英之功也今人以石英末飼雞取卵食終不及此

肉氣味甘溫無毒主治益陽道補虛損令人肥健悅

澤能食不患冷常有實氣而不發也

藏器

秧雞

食物

集解

時珍曰秧雞大如小雞白頸長嘴短尾背有白斑多居田澤畔夏至後夜鳴達旦秋後即止一

種鷄音鄧雞亦秧雞之類也大如雞而長腳紅冠雄者大而色褐雌者稍小而色斑秋月即無其聲甚大

人並食之

肉氣味甘溫無毒主治蟻瘻

汪穎

鶉

嘉祐

釋名

時珍曰鶉性醇寬伏淺草無常居而有常匹隨地而安莊子所謂聖人鶉居是矣其行遇小草

即旋避之亦可謂醇矣其子曰鳩宗爽曰其卵初生謂之羅鶉至秋初謂之早秋中秋已後謂之白唐一物四名也

集解

禹錫曰鶉蝦蟇所化也楊億談苑云正道二年夏秋汴人驚鶉者車載積市皆蛙所化猶有未全變者列子所謂蛙聲為鶉也宗爽曰鶉有雌雄常於田野屢得其卵何得言化也時珍曰鶉大如雞雛頭細而無尾毛有斑點甚肥雄者足高雌者足卑其性畏寒其在田野夜則羣飛晝則草伏人能以聲呼取之畜令鬪搏萬畢街云蝦蟇得爪化為鶉交州記云南海有黃魚九月變為鶉以鹽炙食甚肥美蓋鶉始化成終以卵生故四時常有之鶉則始由鼠化終復為鼠故夏有冬無

肉氣味甘平無毒

禹錫曰四月以前未堪食不可合猪肝食令人生黑子合菌子食令

人發

主治補五臟益中續氣實筋骨耐寒暑消結熱

和小豆生薑煮食止洩痢酥煎食令人下焦肥嘉祐小

兜患疳及下痢五色旦旦食之有效

寇宗奭

發明

時珍曰按董炳集驗方云魏秀才妻病腹大如鼓四肢骨立不能貼席惟衣被懸卧穀食不下

者數日夫忽思鵜食如法進之遂運劇少頃雨汗莫能言但有更衣狀扶而圓小便突出白液凝如鵝脂如此數次下盡遂起此蓋中焦濕熱積久所致也詳本草鵜解熱結療小兒疳亦理固然也董氏所說如此時珍謹按鵜乃蛙化氣性相同蛙與鵝皆解熱治疳利水消腫則鵜之消鼓脹蓋亦同功云

鵜

拾遺

釋名鵠

一 作 鵠

鷄 音駕

如音
鴈

時珍曰鷄不木處可謂安寧自如矣莊子所謂騰躍

不過數仞下翔蓬蒿之間者也張華註禽經謂之鷦鷯即此鵲則鷽音之轉也青州謂之鷽母亦曰鷽雀又屬有九種此其一也

集解

藏器曰鷦鷯是小鳥鷽類也一名鷽鄭玄註禮記
雉兔鷽鷽以鷽為鷽人多食之時珍曰鷽候鳥

也常晨鳴如鷄趨民收麥行者以為候春秋運斗樞云立春雨水鷄鵠鳴是矣鷄與鵠兩物也形狀相似俱黑色但無斑者為鵠也今人總以鷄鵠名之按夏小正云三月田鼠化為鵠八月鵠化為田鼠註云鵠也爾雅云鷄子鵠鵠子鷄註云鵠鷄屬也鵠鵠也禮記云鷄羹駕鵠釀之以麥註云鵠小不可為羹以酒釀之葵煮食也據數說則鷄與鵠為兩物明矣因其俱在田野而形狀彷彿故不知別之則夫鷄也始由

蝦蟇海魚所化終即自卵生故有斑而四時常有焉
鵪也始由鵪化終復為鵪故無斑而夏有冬無焉本

原既殊性療當

別何可混邪

肉氣味甘平無毒主治諸瘡陰蜜煮食去熱

時珍

鵪

音迷
拾遺

集解

藏器曰鵪如鵪色蒼臂長在泥塗間作鵪鵪聲
村民云田鵪所化亦鵪鵪類也蘓秦所謂鵪蚌

相持者即此時珍曰說文云鵪知天將雨則鳴故知
天火者冠鵪今田野間有小鳥未雨則啼者是矣與

翡翠同名

而物異

肉氣味甘溫無毒主治補虛甚暖人

藏器

鴿

宋嘉祐

釋名鵽鴿

飛奴

時珍曰鴿性淫而易合故名鵽者其聲也張九齡以鴿傳書目為飛

奴梵書名迦布德迦

集解

宗奭曰鴿之毛色於禽中品第最多惟白鴿入藥凡鳥皆雄乘雌此獨雌乘雄故其性最淫時珍曰處處人家畜之亦有野鴿名品雖多大要毛羽不過青白皂綠鵽斑數色眼目有大小黃赤綠色而

已亦與鳩為匹偶

白鴿肉氣味鹹平無毒

說曰

主治解主藥毒及人馬

久患疥食之立愈

嘉祐

調精益氣治惡瘡疥癬風瘡白

癰瘍風炒熟酒服雖益人食多恐減藥力

孟詵

附方

舊一
新

消渴飲水

不知足用白花鴿一隻切作小片以上燕煎含咽

心鏡預

解痘毒

每至除夜以白鴿煮羹飼兒仍以毛煎湯浴之則出痘希少

血主治解諸藥百蠱毒

時珍出
半林廣記

卵主治解瘡毒痘毒

時珍

附方

新

預解痘毒 小兒食之永不出痘或出亦希用白鴿卵一對入竹筒封置廁中半

月取出以卵白和辰砂三錢九菜豆大每服三十丸三豆飲下毒從大小便出也 滿江方

屎名左盤龍

時珍曰野鴿者尤良其屎皆左盤故宣明方謂之左盤龍也

氣味辛

溫微毒主治人馬疥瘡炒研傅之驢馬和草飼之

祐嘉

消腫及腹中痞塊

汪穎

消癰癰諸瘡療破傷風及陰毒

垂死者殺蟲

時珍

附方

舊四新六

帶下排膿

宗典野鷄糞一兩炒微焦白朮麝香各一分赤芍藥青木香各

半兩延胡索炒赤一兩柴胡三分為末溫無灰酒空心調服一錢候膿盡即止後服補子臟藥

破傷

中風

病傳入裏用左蟠龍即野鷄糞江鯉白僵蠶各炒半錢雄黃一錢為末蒸餅九梧子大每服十

五丸溫酒下取效保命集

陰症腹痛

面青甚者鷄子糞一大抄研末極熱酒一鍾和勻澄

清頓服即愈 蚰蟲腹痛

白鵲屎燒研飲

外臺

冷氣心痛

鵲屎燒存

性酒服一錢即止

項上瘰癧

左盤龍炒研末飯和九梧桐子大每服三五十丸米飲下張

子和

頭痒生瘡

白鵝屎五合醋煮三沸杵傅之日三上聖惠

頭瘡白禿

鵝屎

研末傅之先以醋洗淨亦可燒研搽之同上

反花瘡毒

初生惡肉如米粒破之血出肉

隨生反出于外用鷓鴣屎三兩炒黃為末溫漿水洗後傅之聖惠方

鷺掌風

鵝屎白雄雞屎

炒研剪水日洗

突厥雀

拾遺

釋名鷓鴣

音奪

冠雉

藏器曰雀從北來當有賊下邊人候之故名時珍曰案唐書云高宗

時突厥犯塞有鳴鷓鴣聲飛入塞邊人驚曰此鳥一名突厥雀南飛則突厥必入寇已而果然案此即爾雅

鸛鵒冠雉也然則奔
冠之義亦由此矣

集解

藏器曰鶡鵒雀生塞北狀如雀而身赤時珍曰
案郭璞云鶡鵒生北方沙漠池大如鵠形似雌

雉鼠脚无後趾岐尾為鳥懸急羣飛張華云鶡鵒生閩
西飛則雌前雄後隨其行止莊周云青鶡鵒愛其子而

忘其
母

肉氣味甘熱無毒主治補虛暖中

藏器

雀

別錄
中品

釋名瓦雀

賓雀

時珍曰雀短尾小鳥也故字從小
從佳佳音鉅短尾也栖宿簷瓦之

間馴近階除之際如賓客然故曰瓦雀賓雀又謂之
嘉賓也俗呼老而斑者為麻雀小而黃口者為黃雀

集解

時珍曰雀處處有之羽毛斑褐領背皆黑頭如鵪鶉目如壁椒尾長二寸許爪距黃白色躍而不步其視驚瞿其目夜盲其卵有斑其性最淫小者名黃雀八九月羣飛田間體絕肥背有脂如披綿性

味皆同可以炙食作鮓甚美宋逸周書云季秋雀入大水為蛤雀不入水國多淫佚又臨海異物志云南海有黃雀魚常以六月化為黃雀十月入海為魚則所謂雀化蛤者蓋此類若家雀則未常變化也又有白雀緯書以為瑞應所感

肉氣味甘溫無毒

弘景曰雀肉不可合李食不可諸肝食妊婦食雀肉飲酒令子多淫

食雀肉豆醬令子面黥凡服白朮人忌之

主治冬三月食之起陽道令人

有子

藏器

壯陽益氣暖腰膝縮小便治血崩帶下

日華

精髓縮五臟不足氣宜常食之不可停輟

五臟

發明

宗輿曰正月以前十月以後宜食之取其陰陽靜定未泄也故卯亦取第一番者頌曰今人取

雀肉和蛇牀子熬膏和藥丸服補下有驗時珍曰聖濟總錄治虛寒雀附丸用肥雀肉三四十枚同附子熬膏丸藥亦祖此意也

附方新補益老人

治老人臟腑虛損羸瘦陽氣之弱雀兒五隻如常治粟米一合葱白

三莖先炒雀熟入酒一合煮少時入水二盞下葱米作粥食

食治方

心氣勞傷

米雀湯治

心氣勞傷因變諸疾用雄雀一隻取肉炙赤小豆一合人參赤茯苓大棗肉紫石英小麥各一兩紫苑遠志肉丹參各半兩甘草炙二錢半細剉拌勻每服三錢用水一盞煎六分去滓食遠溫服奇效方腎

冷偏墜

疝氣用生雀三枚燎毛去腸勿洗以舶上茴香三錢胡椒一錢縮砂桂肉各二錢入肚內

濕紙裹煨熟空心服之酒下良

小腸疝氣

用帶毛雀兒一枚去腸入金絲惹末五錢

縫合以桑柴火煨成炭為末空心無灰酒服年深者二服愈

赤白痢下

臘月取雀

兒去腸肚皮毛以巴豆仁一枚入肚內餅同濟煨存性研末以好酒煮黃蠟百沸取蠟和九梧子大每服

一二十丸紅痢甘草湯下白痢乾薑湯下

內外目障

治目昏生翳遠視似有黑花及

內障不見物用雀兒十箇去翅足背連腸胃骨肉研爛磁石煨醋淬七次水飛神麴炒青鹽肉蓯蓉酒浸

炙各一兩兔絲子酒浸三日晒三兩為末以酒二升少入煉蜜同雀鹽研膏和丸梧子大每溫酒下二十

九日二服

聖惠方

雀卵氣味酸溫無毒五月取之主治下氣男子陰痿

不起強之令熱多精有子

別錄

和天雄兔絲子末為丸

空心酒下五九治男子陰痿不起女子帶下便溺不

利除疝瘕

孟說

發明

弘景曰雀利陰陽故卵亦然銜云雀卵和天雄服之令莖不衰頌曰按素問云胸脇肢滿者妨

於食病至則先聞臊臭出清液先唾血四肢清目眩時時前後血病名血枯得之年少時有所大脫血若醉入房中氣竭肝傷故月事衰少不來治之以烏鰂魚骨蘆茹二物并合之丸以雀卵大如小豆以五丸為後飯飲鰂骨汁以利腸中及腸肝也飯後藥先為後飯本草三藥並不治血枯而經法用之是攻其所

生所起耳時珍曰今人知雀卵能益男子陽虛不知能治女子血枯蓋雀卵益精血耳

肝主治腎虛陽弱

聖惠四雄丸用之

頭血主治雀盲

別錄弘景曰雀盲乃人患黃昏時無所見如雀目夜盲也日二取血點之

腦氣味平主治綿裹塞耳治聾又塗凍瘡

孟詵時珍曰按張子

和方臘月雀腦燒灰油調塗之亦可

喙及脚脰骨主治小兒乳癖每用一具煮汁服或燒

灰米飲調服

時珍

雄雀屎一名白丁香

俗名

青丹

拾遺

雀蘓

炮炙論

修治

日華曰凡鳥左翼掩右者是雄其屎頭尖挺直穀曰凡使勿用雀兒糞雀兒口黃未經淫者也

其雀蘊底坐尖在上是雄兩頭圓者是雌陰人使雄陽人使雌臘月采得去兩畔附着者鉢中研細以甘草水浸一夜去水焙乾用時珍曰別錄止用雄雀屎雌雄分用則出自雷氏也

氣味苦溫微毒主治療目痛決癰疽女子帶下溺不

利除疔瘕

別錄療齟齬

陶弘景

和首生男子乳點目中弩

肉赤脈貫童子者即消神效和蜜丸服治癥瘕久痼

諸病和少乾薑服之大肥悅人

蘇恭

癰癰不潰者點塗

即潰急黃欲死者湯化服之立甦腹中瘕癖諸塊伏

梁者和乾薑桂心艾葉為丸服之能令消爛藏器和天

雄乾薑丸服能強陰孟詵消積除脹通咽塞口噤女人

乳腫瘡瘍中風風蟲牙痛

發明

時珍曰雀食諸穀易致消化故所治疰瘕積脹疲癯及目瞤努肉癰疽瘡癰咽噤齒齲諸症皆

取其能消爛之義也

附方

舊六新八

霍亂不通

服問欲死因傷飽取涼者用雄雀糞二十一粒研末溫酒服未

效再服

總錄

目中瞤膜

治目熱生赤白膜以雄雀屎和人乳點上自爛

風蟲

牙痛

雄雀屎綿裹塞孔中日二易之效

咽喉噤塞

雄雀屎末溫水灌半錢

外臺

小兒口噤

中風用雀屎水九麻子大飲下二九即愈 千金方 小兒不乳 用雀屎四

枚抹之與吮總微

小兒痘壓

白丁香末入麝少許米飲服一錢 保幼大全 婦人吹

乳

白丁香半兩為末以溫酒服一錢 聖惠 破傷風瘡 作白痴無血者殺人最急以黃雀糞

直者研末熱酒服半錢 普濟

破決癰癰

諸癰已成膿懼鍼者取雀屎塗瘡頭即易決 梅師

方 癰瘡作痛

用雀屎熬窠土研傅之 直指

浸淫瘡癰

洗淨以雀屎醬拌和研日

塗之 千金翼

喉痺乳蛾

白丁香二十個以沙糖和作三九每以一九綿裹含嚥即時遂愈甚

者不過一九極有奇效 普濟方

面鼻酒皸

白丁香十二粒蜜半兩早夜點久久自去 聖

方 惠

蒿雀

拾遺

集解

藏器曰蒿雀似雀青黑色在蒿間塞外彌多食之美於諸雀

肉氣味甘溫無毒主治食之益陽道補精髓

藏器

腦主治塗凍瘡手足不皸

藏器

巧婦鳥

拾遺

釋名鷓鴣

詩疏

桃蟲

詩經

蒙鳩

荀子

女匠

方言

黃胆草

珍曰

按時

爾雅云桃蟲鷓鴣其雌曰鳩揚雄方言云自關而東謂之巧雀或謂之女匠自關而西謂之機雀或謂之巧女燕人謂之巧婦江東謂之桃雀亦曰有呼鳩性拙鷓性巧故得諸名

集解

藏器曰巧婦小於雀在林藪間為窠窠如小袋時珍曰鷓鴣處處有之生蒿木之間居藩籬之

上狀似黃雀而小灰色有斑聲如吹噓喙如利錐取茅葦毛毳為窠大如雞卵而繫之以麻髮至為精密懸於樹上或一房二房故曰巢林不過一枝每食不過數粒小入畜馴教其作戲也又一種鷓鴣兩雅謂之割葦似雀而青灰斑色長尾好食葦蘆亦頗類也

肉氣味甘溫無毒主治炙食甚美令人聰明

汪穎

窠主治燒烟熏手令婦人巧蠶藏器治膈氣噎疾以一

枚燒灰酒服或一服三錢

時珍出衛生易簡方

燕

別錄中品

釋名乙鳥

文說

玄鳥

禮記

鷩鷩鳥

注

古今

鷩鷩

莊子

游波

論

天

天

女

易占時珍曰燕字篆文象形乙者其鳴自呼也玄其色也鷹鷩食之則死能制海東青鷩故有鷩鳥

之稱能興波祈雨故有游波之號雷駸云海竭江枯投游波而立汎是矣京房云人見白燕主生貴女故

燕名
天女

集解

別錄曰燕生高山平谷弘景曰燕有兩種紫胸輕小者是越燕不入藥用有斑黑而聲大者是

胡燕可入藥用胡燕作窠長能容二疋絹者令人家富也若窠戶北向而尾屈色白者是數百歲燕仙經謂之內芝食之延年時珍曰燕大如雀而身長箭口豐頰布翅岐尾背飛向宿營巢避戍己日春社來秋社去其來也銜泥巢於屋宇之下其去也伏氣蟄於窟穴之中或謂其渡海者謬談也玄鳥至時祈高禘

可以求嗣或以為吞燕卵而生子者怪說也或云燕
蟄於井底燕不入屋井虛也燕巢有艾則不居凡狐
貉皮毛見燕則
毛脫物理使然

肉氣味酸平有毒

弘景曰燕肉不可食損人神氣入
水為蛟龍所吞亦不宜殺之時珍

曰淮南子言燕入水為蜃蛤故高謏註謂蛟龍嗜燕
人食燕者不可入水而祈禱家用燕召龍切謂燕乃
蟄而不化者化蛤之說未審然
否但燕肉既有毒自不必食之
主治出痔蟲瘡蟲

別錄

胡燕卵黃主治卒水浮腫每吞十枚

別錄

秦燕毛主治解諸藥毒取二七枚燒灰水服

時珍

屎氣味辛平有毒主治蟲毒鬼症逐不祥邪氣破五

癰利小便熬香用之

別錄頌曰胡洽治症病青羊脂丸中用之

療痔殺蟲

去目翳

蘇恭

治口瘡瘡疾

孫思邈

作湯浴小兒驚癇

景弘

附方

舊三新三

解蠱毒

藏器曰取燕屎三合炒獨蒜去皮十枚和搗九梧子大每服三九蠱

當隨利而出

厭瘧疾

藏器曰燕屎方寸七發日平旦和酒一升令病人兩手捧住吸氣慎勿入

口害人

下石淋

用燕屎末以冷水服五錢旦服至食時當尿石水下

通小便

用燕屎豆

取各一合糊丸梧子大每白湯下三九日三服千金

止牙痛

用燕子屎九梧桐子大於疼處咬之

丸化即疼止袖珍

小兒卒驚

似有痛處而不知用燕窠中糞煎湯洗浴之救急方

窠中土

見土部

燕蓐草

即蓐草見
草部之九

石燕

日華

釋名土燕

綱目

集解

說曰石燕在乳穴石洞中者冬月采之堪食餘
月止可治病炳曰石燕似蝙蝠口方食石乳汁

時珍曰此非石部之石燕也廣志云燕
有三種此則土燕乳于巖穴者是矣

肉氣味甘暖無毒主治壯陽暖腰膝添精補髓益氣

潤皮膚縮小便禦風寒嵐瘴溫疫氣

日華說曰治法
取石燕二十七枚

和五味炒熟以酒一斗浸三日每夜卧
時飲一二盞甚能補益令人健力能食

伏翼

本經上品

校正

時珍曰本經上品有伏翼條又有天鼠屎今依李當之本草合而為

釋名蝙蝠

音編福

天鼠

本經

仙鼠

唐本

飛鼠

宋本

夜燕

恭曰伏

翼者以

其晝伏有翼也時珍曰伏翼爾雅作服翼齊人呼為仙鼠仙經列為肉芝

集解

別錄曰伏翼生太山川谷及人家屋間立夏後采陰乾天鼠屎生合浦山谷十一月十二月采

弘景曰伏翼非白色倒懸者不可服恭曰伏翼即仙鼠也在山孔中食諸乳石精汁皆千歲純白如雪頭上有冠大如鵠齒陰乾服之令人肥健長生壽千歲其大如鷄未白者已百歲而並倒懸其腦重也其屎皆白色入藥常用此屎頌曰恭說乃仙經所謂肉芝者然今蝙蝠多生古屋中白而太者益稀其屎亦有

白色料其出乳石孔者當應如此耳宗奭曰伏翼日亦能飛但畏鷲鳥不敢出耳此物善服氣故能壽冬月不食可知矣時珍曰伏翼形似鼠灰黑色有薄肉翅連合四足及尾如一夏出冬蟄日伏夜飛食蚊蚋自能生育或云蠶風化蝠鼠亦化蝠蝠又化鼯蛤恐不盡然生乳穴者甚大或云燕避戊己蝠伏庚申此理之不可曉者也若夫白色者自有此種爾仙經以為千百歲服之令人不死者乃方士誣言也陶氏蘇氏從而信之迂矣按李石續博物志云唐陳子真得白蝙蝠大如鴉服之一夕大泄而死又宋劉亮得白蝙蝠白蟾蛤仙丹服之立死嗚呼書此足以破惑矣其說始載於抱朴子書葛洪誤世之罪通乎天下又唐書云吐番有天鼠狀如雀大如貓皮可為裘此則別是一種鼠非此天鼠也

伏翼修治

發曰凡使要重一斤者先拭去肉上毛及去爪腸留肉翅并嘴脚以好酒浸一宿取

出以黃精自然汁五兩塗灸至盡灸
乾用時珍曰近世用者多煨存性耳

氣味鹹平無毒

日華曰微熱有毒之才
曰竟實雲實為之使

主治目瞋瘡

痛明目夜視有精光久服令人熹樂媚好無憂

日本經

日久服
解愁

療五淋利水道

別錄

主女人生子餘疾帶下病

無子

蘇恭

治久欬上氣久瘧瘰癧金瘡內漏小兒魃病

驚風

時珍藏器曰五月五日取倒懸者晒乾和桂心
薰陸香燒烟辟蚊子夜明砂鼈甲為末燒烟亦

辟蚊

發明

時珍曰蝮蝎性能瀉人故陳子真等服之皆致
死觀後治金瘡方皆致下利共毒可知本經謂

其無毒久服熹樂無憂日華云久服解愁者皆誤後世之言適足以增憂益愁而已治病可也服食不可也

附方

新舊三仙乳丸 治上焦熱晝常好瞑用伏翼五兩重一枚連腸骨炙燥雲實炒五兩

威靈仙三兩牽牛炒芎實各二兩丹砂鉛丹各一兩膩粉半兩為末蜜九綠豆大每服七丸木通湯下以

知為度 普濟 久欬上氣

翅足燒焦研末米飲服之 百一

久瘧不止

范汪方用蝙蝠七個去頭翅足持干下九梧子大每服一九清湯下鷄鳴時一

丸 禹中 一九

久瘧不止

伏翼九用蝙蝠一枚炙蛇蛻皮一條燒蜘蛛一枚去足炙鼈甲一枚

醋炙麝香半錢為末五月五日午時研勻入小兒驚煉蜜和丸麻子大每溫酒下五丸 聖惠方

癰

用八蟄蜈蚣一個入成塊硃砂三錢在腹內以新瓦合煨存性候冷為末空心分四服兒小分五服

白湯下

醫學集成

小兒慢驚

返魂丹治小兒慢驚及天吊夜啼用蜈蚣一枚去腸翅炙黃焦

人中白乾蠍焙麝香各一分為末煉蜜九綠豆大每服乳汁下三九聖惠方

多年瘰癧

愈

神效方用蜈蚣一個貓頭一個俱撒上火豆燒至骨化為末摻之乾即油調傅內服連翹湯集要

金

瘡出血

不止成內漏用蜈蚣二枚燒末水服方寸七當下水而血消也

腋下胡

臭

用蜈蚣一個以赤石脂末半兩塗遍黃泥包固晒乾煨存性以田螺水調塗腋下待毒氣上冲急服

下藥行一二次妙乾坤秘韞

乾血氣痛

服一錢即愈生一箇燒存性每酒

婦

人斷產

酒醅調下摘玄方

腦主治塗面去女子面皰服之令人不忘

藏器

血及膽主治滴目令人不睡夜中見物

藏器弘景曰伏翼自及膽

術家用為

洞視法

天鼠屎

經本

釋名鼠法

經本

石肝

上同

夜明砂

日華

黑砂星

弘景

曰方家不用俗不識也李當之

曰即伏翼屎也方言名天鼠爾

修治

時珍曰凡采得時以水淘去灰土

惡氣取細砂晒乾焙

用其砂乃蚊蚋眼也

氣味辛寒無毒

之才曰惡白欬白微

主治面癰腫皮膚洗洗時

痛腹中血氣破寒熱積聚除驚悸

經本

去面上黑肝

別錄

燒灰酒服方寸匕下死胎蘇恭炒服治癰瘰日華治馬撲

損痛以三枚投熱酒一升取清服立止數便瘥蘇頌出續

傳信方擣熬為末拌飯與三歲小兒食之治無辜病甚

驗慎微治疳有效宗治目盲障翳明目除瘡時珍

發明時珍曰夜明砂及蝙蝠皆厥陰肝經血分藥也能活血消積故所治目瞤盲障瘡眦疳驚淋帶

瘰癧癰腫皆厥陰之病也按類說云定海徐道亨患赤眼食蟹遂成內障五年忽夢一僧以藥水洗之令

服羊肝丸求其方僧曰用洗淨夜明砂當歸蟬蛻木賊去節各一兩為末黑羊肝四兩水煮爛和丸梧子

大食後熱水下五十丸如法服之遂復明也

附方

新十一

內外障翳

夜明砂末北入
煮食飲汁效

直指方

青盲

不見

夜明砂糯米炒黃一兩柏葉炙一兩為末牛膽
汁和丸梧子大每夜卧時竹葉湯下二十九至

五更米飲下二十
九瘥乃止

聖惠小兒雀目

夜明砂炒研猪膽汁和
丸綠豆大每米飲下五

九一方加黃芩等分為末米
泔煮猪肝取汁調服半錢

五瘥不止

聖惠用夜明
砂末每冷茶

服一錢立效又方治瘥發作無時經久不瘥用蠅
蟬糞五十粒硃砂半兩麝香一錢為末糯米飯丸小

豆大未發時
白湯下十九

胎前瘥疾

夜明砂末
溫酒服

三錢空心
經驗秘方

欬嗽不

止

蠅蟬去翅足燒酒為末一錢
食後白湯下

小兒疳病

以紅紗袋
盛夜明砂

佩之
直指方

一切疳毒

夜明砂五錢入瓦瓶內以精猪肉
三兩薄切入瓶內水煮熟了前以

肉與兒食飲其汁取下服中胎毒次用生薑四兩和皮切炒同黃連末一兩糊丸黍米大米飲服日三次

心鑑 全幼

聼耳出汗

夜明砂二錢麝香一字為末拭淨摻之

聖惠 潰腫排膿

夜明砂一兩桂半兩乳香一分為末入乾砂糖半兩并水調傳直指方

腋下胡臭

夜明砂末

敗汁調

風虫牙痛

夜明砂炒吳茱萸湯泡炒等分為末蟾酥和九麻子大綿裹二九含之吐

濟方 誕普

鸚鵡

鸚鵡 鸚鵡二音 本經下品

校正

鸚鵡 原在獸部今據爾雅說文移入禽部

釋名 鸚鵡

本經

鸚鵡

爾雅

耳鼠

山海經

夷由

爾雅

鷓鴣

禽經

飛生鳥

弘景時珍曰 案許慎說文云鸚鵡飛走且乳之鳥也故字從鳥又名飛生本經從鼠以形似也此物肉翹連

尾飛不能上易至墮墜故謂之鶯俗謂癡物為鶯義取乎此亦名鼯鼠與螻蛄同名

集解

別錄曰鼯鼠生山都平谷弘景曰此鼠即鼯鼠飛生鳥也狀如蝙蝠大如鴝鵒毛紫色暗夜行

飛人取其皮毛與產婦持之令易生頌曰今湖嶺山中多有之南人見之多以為怪宗輿曰闔西山中甚珍曰案郭氏註爾雅云鼯鼠狀如小狐似蝙蝠肉翅四足翅尾項脇毛皆紫赤色背上蒼艾色腹下黃色喙頷雜白色腳短爪長尾長三尺許飛而孔子子即隨母後聲如人呼食火烟能從高赴下不能從下上高性喜夜鳴山海經云耳鼠狀如鼠兔首麋耳以其尾飛食之不昧可禦百毒即此也其形翅聯四足及尾與蝠同故曰以尾飛生嶺南者好食龍眼

氣味微溫有毒主治墮胎令易產

本經

發明

頌曰人取其皮毛與產婦臨蓐時持之令兒易生而小品方乃入服藥用飛生一枚槐子故弩

箭羽各十四枚合擣九梧子大以酒服二丸即易產也時珍曰鸚能飛而且產故寢其皮懷其爪皆能催生其性相感也濟生方治難產金液丸用其腹下毛為丸服之

寒號蟲

宋開寶

校正

自蟲部入此

釋名鵯鵯

獨春

屎名五靈脂

時珍曰楊氏丹銘錄謂寒號蟲即鵯

鵯今從之鵯鵯詩作盍旦禮作曷旦說文作鵯鵯廣志作侃旦唐詩作渴旦皆隨義借名耳楊雄方言云自關而西謂之鵯鵯自關而東謂之城旦亦曰倒懸周魏宋楚謂之獨春郭璞云鵯鵯夜鳴求旦之鳥夏月毛盛冬月裸體晝夜鳴呼故曰寒號曰鵯旦古刑有城旦春謂晝夜舂米也故又有城旦獨春之名月

令云仲冬曷旦不鳴蓋冬至陽生漸暖故也其尿名五靈脂者謂狀如凝脂而受五行之靈氣也

集解

志曰五靈脂出北地寒號蟲糞也禹錫曰寒號蟲四足有肉翅不能遠飛頌曰今惟河東州郡

有之五靈脂色黑如鐵米無時時珍曰曷旦乃候時之鳥也五臺諸山甚多其狀如小鷄四足有肉翅夏月毛采五色自鳴若曰鳳凰不如我至冬毛落如烏雞忍寒而號曰得過且過其尿恒集一處氣甚臊惡粒大如豆采之有如糊者有粘塊如餠者人亦以沙石雜而貨之凡用以饒心潤澤者為真

肉氣味甘溫無毒主治食之補益人

汪頴

五靈脂修治

頌曰此物多夾沙石絕難修治凡用研為細末以酒飛去沙石晒乾收用

氣味甘溫無毒

慈人參損人

主治心腹冷氣小兒五疳辟

疫治腸風通利氣脈女子血閉

實開

療傷冷積凡血

崩過多者半炒半生酒服能行血止血治血氣刺痛

甚效

亨震

止婦人經水過多赤帶不絕胎前產後血氣

諸痛男女一切心腹脇肋少腹諸痛疝痛血痢腸風

腹痛身體血痺刺痛肝瘡發寒熱反胃消渴及痰涎

挾血成窠血貫腫子血凝齒痛重舌小兒驚風五癰

癰疾殺蟲解藥毒及蛇蝎蜈蚣傷

時珍

發明

宗奭曰五靈脂引經有功不能生血此物入肝最速也常有人病目中醫往來不定此乃血所

病也肝受血則能視目病不治血為背理也用五靈脂之藥而愈又有人被毒蛇所傷良久昏憤一老僧以酒調藥二錢灌之遂甦仍以滓傳咬處少頃復灌二錢其苦皆去問之乃五靈脂一兩雄黃半兩同為末耳其后有中蛇毒者用之咸效時珍曰五靈脂足厥陰肝經藥也氣味俱厚陰中之陰故入血分肝主血諸痛皆屬於木諸蟲皆生于風故此藥能治血病散血和血而止諸痛治驚癇除癰痢消積化痰療瘡殺蟲治血痺血眼諸症皆屬肝經也失笑散不獨治婦人心痛血痛凡男女老幼一切心腹脇肋少腹痛疝氣并胎前產後血氣作痛及血崩經溢百藥不效者俱能奏功屢用屢驗真近世神方也又案李仲南云五靈脂治崩中非止治血之藥乃去風之劑風動物也衝任經虛被風傷襲營血以致崩中暴下與荆芥防風治崩義同方悟古人識見深奧如此此亦一說但未及肝血虛滯亦有生風之意

附方

舊六新
三十一

失笑散

治男女老少心痛腹痛少腹痛
小腸疝氣諸藥不效者能行能

止婦人妊娠心痛及產後心痛少腹痛血氣痛尤妙
用五靈脂蒲黃等分研末先以醋二盃調末熬成膏

入水一盞煎至七分連藥熱服未止再服一方以
酒代醋一方以醋糊和九童尿酒服和劑局方紫

金丸

治產後惡露不快腰痛小腹如刺時作寒熱頭
痛不思飲食又治久有瘀血月水不調黃瘦不

食亦療心痛功與失笑散同以五靈脂水淘淨炒末
一兩以好米醋調希慢火熬膏入真蒲黃末和九龍

眼大每服一九以水與童子小便各半盞煎至七分
溫服少頃再服惡露即下血塊經閉者酒磨服之

楊氏

靈脂散

治丈夫脾積氣痛婦人血崩諸痛飛過
五靈脂炒烟盡研末每服一錢溫酒調

下此藥氣惡難喫燒存性乃妙也或以酒水童便煎
服名抽刀散治產后心腹脇肋腰膝痛能散瘀血如

心煩口渴者加炒蒲黃減半霹靂酒下腸風下血者煎烏梅柏葉湯下中風麻痺痛者加草烏半錢同童

尿水酒煎服永類鈴方產后血運治產婦血運不知人事用五靈脂二兩半生半炒為末每

服一錢白水調下如口燥者產后腹痛五靈脂香附幹開灌之入喉即愈圖經

木醋糊九服一百九或用五靈脂末兜枕作痛五靈神麴糊九白木陳皮湯下丹溪方

炒研末酒服二錢產寶血氣刺痛五靈脂生研三錢酒一卒暴

心痛五靈脂炒一錢半乾薑炮三分心脾蟲痛不拘為末熱酒服立愈事林廣記

用五靈脂檳榔等分為末水煎石菖蒲調服三錢作餅猪肉一二九海上仙方小兒蛇痛

五靈脂末二錢靈礬火飛半錢每服一錢水一經血蓋煎五分溫服當吐虫出愈閻孝忠集效方

不止

五靈脂炒烟盡研每服二錢當歸兩片酒一盞煎六分熱服三五度取效經效方

血崩

不止

頌曰用五靈脂十兩研末水五盞煎三盞去滓澄清再煎為膏入神麴末二兩和丸梧子大每

服二十九空心溫酒下便止極效集要用五靈脂燒研以鐵秤鑊燒紅淬酒調服以效為度胎衣

不下

惡血冲心用五靈脂半生半炒研末每服二錢溫酒下產寶子腸脫出五靈

烟薰之先以鹽湯洗淨危氏吐血嘔血五靈脂一兩盧會三錢研末滴水九炎子大每漿水

化服二九又治血妄行入胃吐不止五靈脂一兩黃芩半兩為末新汲水服二錢吐逆不止

不拘男女連日粥飲湯藥不能下者即效五靈脂治淨為末狗膽汁和九炎子大每服二九煎生薑酒磨

化猛口熱吞不得漱口急經驗化食消氣五靈脂一兩木將溫粥少許壓之

十枚煨熟去油為末糊九葉豆久瘡不止或一日二
大每白湯下五九普濟方發或一日

二三發或二三日一發用五靈脂頭垢各一錢古城
石灰二錢研末鉢九皂子大每服一丸五更無根水

下即止神効消渴飲水竹籠散用五靈脂黑豆去皮
方也海上等分為末每服三錢冬瓜皮

湯下無皮用葉亦可日二服不可更服熱藥宜八味
丸去附子加五味子若小渴者二三服即止保命

集 中風癱緩追魂散即五靈脂研末以水飛去上面
黑濁下面沙石研末每服二錢熱酒調

下日一服細服小手足冷麻寇曰風冷氣血閉手足
續命湯奇效方身體疼痛冷麻五靈脂

二兩沒藥一兩乳香半兩川烏頭一兩半炮去皮為
末滴水丸如彈子大每用一丸生薑溫酒磨服本

草衍 骨折腫痛五靈脂白及各一兩乳香沒藥各三
錢為末熟水同香油調塗患處乾

坤秘

損傷接骨

五靈脂一兩 茴香一錢 為末 先以乳香末于極痛處 磨上以小黃米粥塗

之乃搽二末于粥上 帛裹木牌 子夾定三五日效 儒門事親

五疳潮熱

肚脹髮焦 不可用大

黃黃芩損傷胃氣 恐生別症 五靈脂水飛一兩 胡黃連五錢 為末 雄豬膽汁九香米大每服一二十九米

飲下 全

欬嗽肺脹

八個 柏子仁半兩 研勻 滴水和

九小豆大每服二十 九甘草湯下 普濟

痰血凝結

紫芝九用五靈脂水 飛半夏湯泡等分為

末 薑汁浸蒸餅九 梧子大 每飲下二十九 百一方

酒積黃腫

五靈脂末一兩 入麝香少許 飯

九小豆大每米飲 下一九 普濟方

目生浮翳

五靈脂海螵蛸各等分 為細末 熱豬肝日煎食

經 驗方

重舌脹痛

五靈脂一兩 淘淨為末 煎米醋漱 經驗良方

惡血齒痛

五靈脂末米醋煎
汁含咽 直指方 血瘰潰血 一人舊有一瘰偶抓破
血出一線七日不止欲

死或用五靈脂末搽上即
止也 楊拱贊方選要 血潰怪病 凡人目中白珠
渾黑而物如常

毛髮堅直如鐵條能飲食而不語如醉名曰血潰
以五靈脂為末湯服二錢即愈 夏子益奇疾方 大

風瘡癩

油調五靈脂末
塗之 摘玄方

蟲虺螫蟲

凡蜈蚣蛇蠍毒虫
傷以五靈脂末塗

之立愈

毒蛇傷螫

同上

金匱鈞玄

本草綱目卷四十八